

सानसेयारि "बड'सा" खरीलाइयाव
समानयारि जिज्जो लोखा थावाय रायथाय, अन्थाय,
सल', सल'बाथा आरु दावबायारि थावनि, पाक
बाइदिबि स्यायव लिन्नाय लिन्बिदां दैथाय हर/
सानसेयारि "बड'सा" खरीलाइया खेबखानानै
फोखावोन।
बड'सायव लिन्हरनायबि हुबा खालाम,
"बड'सा" खरी नौथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Wednesday ★ 4 August, 2021 Kokrajhar, BTC, Assam ★ Vol.- 31, Issue No. 130 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

रन्जन दैमारिखौ उदां
खालामनो भारत
सरकार आरो आसाम
सरकारखौ
खावलायदों बर'
थुनलाइ आफादआ

गुवाहाटी, 3 आगस्त: जो बयबो मिथिगोदि, भारत सरकार, आसाम सरकार, एन डि एफ बिनि मोनब्रे हान्जाजों लोगोसे दुलाराय बर' फरायसा आफाद आरो खौसेथि बर' सुबुं आफादनि गेजेयव थांनय 27 जानुवारी, 2020 अक्टखालि दिल्लीयाव बर'फोरनि थामथि गोजोन गोरोबथा एबा बि टि आर गोरोबथाया जानानै थानों। बर' गोजोन गोरोबथानि उनावनो गोरोबथानि सासे सागानगिरि आरो एन डि एफ बिनि गायसनगिरि रन्जन दैमारिखौ फिन जोबथेसालियाव जोबनानै दोना दिनैसिम उदां खालामेखौ बर' थुनलाइ आफादआ दुखु फोरमायदों। बर' थुनलाइ (□ 5 बिलाइआव)

गिबि मन्थिआ पातबाइसिनि श्रीमन्त शंकरदेब थानआव दावबायहैदों

पातबाउसिनि सत्रखौ सैरखा आरो समायहोनो राइज्यो सरकारा राहा लादों: गिबि मन्थि

दिसपुर, 3 आगस्त: गिबि मन्थि ड० हिमन्त बिश्व शर्माआ दिनै महापुरुष श्रीमन्त शंकरदेबनि मावसालि पातबाउसि श्रीमन्त शंकरदेब थानाव नायगिदिहेनानै सिबिनाय बाउहै यो। गिबि मन्थिआ थानआव सैरखा होजानाय श्रीमन्त शंकरदेबनि गोसोखाथि सम्पदफोरखौ नायगिदिहेनो। थानखौ नायगिदिहेनाय समाव गिबि मन्थि ड० हिमन्त बिश्व शर्माआ सत्राधिकार, सत्र सामब्लाय कमिटीनि बिबानगिरि आरो सिबियारिफोर जो सावरायलायनानै थानखौ सैरखा होनो आरो समायहोनायनि आयदानि सायाव



सावरायलायो। नायगिदिहेनाय समाव गिबि मन्थि शर्माआ थाननि गाहाय सिबियारि कमलाकान्त दासआ गोब्राब बेरामजों भुगिनानायनि खौरांखो मोन्याय लोगो लोगोनो गिबि मन्थिआ बिथानि गाहाम फाहामथायनि थाखाय गिबि मन्थि अन्सुंथाय बाखिनिक्रय 1 लाख रानि अन्सुंथायनि गांसे चेकखौ गथायनानै होयो। बेनि उनाव खौरांगिरिजों मोगा-मोगि

लाभलिना बरगहाइनि थाखाय दुलाराय बर'
फरायसा आफादनि कार्बि आंलआव आलारि
बाथि फोजोनानै आर'ज खालामदों



कक्राझार, 3 आगस्त: दासान्दि जापाननि रजथानि टकिय'आव सोलिगासिनो थानाय अलिम्पिक गेम्सयाव आसामनि सासे आइजो बक्सि गेलेगिरि लाभलिना बरगहाइआ गाबोन 4 आगस्तखालि सेमिफाइनल बादायलायगोन। लाभलिना बरगहाइआ गाबोननि गेलोनो गोनां सेमि फाइनल (□ 5 बिलाइआव)

लाभलिना बरगहाइनि थाखाय कक्राझारआव गुबुन गुबुन
धोरोमारि हान्जाफोरनि आर'ज गाबनाय हाबाफारि

आसाम-मिज 'राम सिमा जेंना आयदाखौ लानानै सोमजिनाय
दाडा बाजियाव मुख्लं जानायफोरखौ मान बाउदों

कक्राझार, 3 आगस्त: टकिय' अलिम्पिक आव आसामनि फिसा लाभलिना बरगहाइआ गाबोन सेमि फाइनल बादायलायगोनयाव देरहासाद जानो हाथोंनि आरो अलिम्पिकयाव सना मेडेल लाबोनो हाथोंनि थाखाय दिनै कक्राझारआव गुबुन गुबुन धोरोमारि हान्जाफोरनि आर'ज गाबनाय हाबाफारि खुंफुनाय जादों। बि टि सि गेलेमु बिफाननि बान्जायनायाव कक्राझारनि साइ कमप्लेक्सयाव खुंफुनाय बे आर'ज गाबनाय



हाबाफारियाव गुबुन गुबुन धोरोमारि धोरोमारि हान्जाफोर फारियै ब्रह्म, बाथी, खूप्पान, इस्लाम, सतशंग, कृष्ण गुरु, जैन, शंकरि गासै मोन 8 धोरोमारि हान्जाफोर बाहागो (□ 5 बिलाइआव)

रन्जन दैमारिखौ जोबथेसालिनिफ्राय उदां खालामनो वारग' एन डि एफ बि दैदेनगिरिफोरनि दाबि

कक्राझार, 3 आगस्त: मोनसे समाव बर' हरिखौ रैखाथि, उदांश्री आरो गुबुननि गादबनायनिफ्राय उदां खालामनायजों लोगोसे आलादा बड'लेन्ड राइज्यो सोरजिनायनि मुडे बर' हरिनि गेजेयव जोनोम मोन्याय नेसनेल डेमक्रेटिक फ्रन्ट अफ बर'लेन्ड (एन डि एफ बि) नि गायसनगिरि रन्जन दैमारिआ बि टि आर



गोरोबथायाव सागानगिरि महेरे सागान होखांनयनि उनावबो दिनैसिम जोबथेसालियाव

आसामखौ दावदै दिहुन्थायनि बिथिडाव गाव
गसंथानो हानाय खालामनो भारतारि स्टेट बैंक
आरो एस जि बि अर्गेनिक फार्मआ सिगांबोदों



माजबात, 3 आगस्त: आसामखौ दावदै दिहुन्थायनि बिथिडाव गाव गसंथानो हानाय खालामनो हादतनि जौसिन बैंक भारतारि स्टेट बैंक आरो एस जि बि अर्गेनिक फार्मआ जरखा राहा लादों। दिनै माजबात फरायसालिमानि अडिटरियाम ह'लाव भारतारि स्टेट बैंकआ एस जि बि अर्गेनिक फार्म मुनि फसंथाननि हेफाजाबाव ओन्सोलनि सा 120 आबादारिफोरखौ दावदै दिहुन्थायनि थाखाय ल'न होनो थाखाय गुदि (□ 5 बिलाइआव)

जोबजानाने दं। बर'फोरनि थामथि गोजोन गोरोबथा बि टि आर गोरोबथाया जानानै थानाय हिसाबै दिनैनि सानयाव साफ्रोमबो बर' फिसाफोरा गोजोन, खौसेथि आरो (□ 5 बिलाइआव)

जाख्ल 'नायनि अजद होनायखौ नेवसिदों भतगाव भिसिडिसिनि मासिगिरिया

कक्राझार, 3 आगस्त: कक्राझार सहरनि साखाथियाव थानाय भतगाव भिसिडिसिनि मासिगिरि आरो कक्राझार जौगाखां खोन्दीनि जि आर एसआ गावसिनि सायाव राइजो-राजाफोरनि जाख्ल 'नायनि अजद होनायखौ नेवसिदों। मख 'नाय जायोदि, भतगाव भिसिडिसिनि सिडव थानाय राइजो-राजाफोरा भतगाव-बदियागुरिसिम लामा लुफुंथाय आरो पि एम ए वाइ-ग्रामिन न' होनायाव

बेलगुरि इज्जिट एबसुनि बान्जायनायाव
लाइमोनफोरनि जिउ राहा दानायनि थुलुंगा होनाय
आरो दिथागिरि लोगो हमनाय हाबाफारि खुंदों

कक्राझार, 3 आगस्त: कक्राझार जिल्लानि रमफलबिल दख 'रानि सिडव थानाय बेलगुरि दालाइ दुलाराय बर' फरायसा आफादआ दिनै फरायसाफोरनो इयुनखौ नोजोर बोनानै लाइमोनफोरनि जिउ राहा दानायनि थुलुंगा होनाय आरो फरायसाफोरनि दिथागिरिफोरनो उदाइ सावरायलायनायनि

मोनसे हाबाफारि खुंनय जादों। आफलागाव गोजौ फरायसालियाव खुंनय बे (□ 5 बिलाइआव)

जाख्ल 'नायनि अजद होनायने थानाय सानखालि भतगावआव भि सि डि सिनि मासिगिरि जाब्बार आलि आरो सासे जि आर एसनि हे'थायै सोमावसारदोंमोन। दिनै भतगाव भिसिडिसिनि मासिगिरि जाब्बार (□ 5 बिलाइआव)

श्रिरामपुरआव गोबां बिबांनि गान्जाजों लोगोसे सानै सुबुंखौ पुलिसआ हमदों

गसाइगाव, 3 आगस्त: राइज्यो नाइनो फेग्रा ड्रागस हरिनि मुवा-बेसादफोरनि हे'थायै गोखों हाबाफारि लाबाय थानाय समनि गेजेरावनो दिनै सोरांसि बुब्लियाव आसाम-सोनाब बंग सिमनानि श्रीरामपुरनि 31 नं माहारियारि राजा लामायाव सिग्रोमनाय हाबाफारि लानानै गोबां बिबांनि गान्जा बोखानो हायो। बेजों लोब्बा थानाय तापस अधिकारि (23) आरो



प्रितम सिंह (24) मुनि सानै सुबुंखौ हमनानै पुलिसआ सोंथि खालामगासिनो दड। मिबथिनो मोन्याय बादिल्ला मोनसे संगालि सुलुंनि बिथायाव दिनै फुनि 4 रिगासो समाव आसाम-सोनाब बंग सिमनानि सिमलतापु (□ 5 बिलाइआव)

गसाइगाव महकुमानि जुनात फाहामथाय बिफानाव सा 11 नि जायगायाव सासेल' देहा फाहामगिरि दड

गसाइगाव, 3 आगस्त: कक्राझार जिल्लानि गसाइगाव महकुमानि सिडव जिब-जुनात फाहामथाय बिफाननि गासै मोन 7 फाहामथाय मिरुफोर दं। बे फाहामथाय मिरुनि थाखाय गासै सा 11 फाहामगिरिफोरनि गोनांथि। नाथाय सा 11 नि जायगायाव सासेल' देहा फाहामगिरिया गसाइगाव महकुमानि सिडव थानाय गासै फाहामथाय मिरुफोरखौ नायनो गोनां जायो। गसाइगाव महकुमानि सिडव गासै मोन (□ 5 बिलाइआव)



हाग्रा आयेन-2006 खौ लानानै 10 आगस्ट 'खालि सिरुडआव आरो 12 आगस्ट 'खालि राजाखानाआव राइजोयारि मेल आयेनखौ दाफामनायनि सोमोन्दै धेमाजिनि उफ्रा जिल्ला बेंगिरिजों इउ बि पि अ आ सावरायलायदों

सिमेन सापरि, 3 आगस्त: आसाम सरकारा हाग्रा आयेन-2006 खौ दाफामनो थांखि लानायनि थाखाय गुबुन गुबुन थाखोनि कमिटीफोरखौ दानाय जादों। धेमाजि जिल्लयाव हाग्रा आयेन-2006 खौ दाफामनायनि आयदाखौ लानानै दिनै खाजोनो बिफाननि बिबानाव थानाय



धेमाजि जिल्लानि एडिसनेल जिल्ला बेंगिरिनि सावराय जिल्ला बेंगिरि उतपल दलेजों (□ 5 बिलाइआव)

NERIM GROUP OF INSTITUTIONS Estd.1992
Affiliated to Dibrugarh University, Gauhati University & ASTU
Approved by NCTE, BCI & AICTE, MoE, Govt. of India

ADMISSION NOTICE : 2021-22

Admissions open for the following programmes in Online and Offline mode.

MBA	BBA
MCA	BCA
M.Com	B.Com(H)
MSW	BSW
LLM	BALLB(H)
LLB(H)	PGDCA
M.Sc (Computer Sci.)	MA (Education)
MA (Applied Psychology)	PGDM
MBA Part Time 3 year	

N.B.: (1) Working personnel may opt for MBA (part time) and PGDM programme. Classes only on Saturday/Sunday.
(2) Students may opt for PGDM either in distance or regular mode.
(3) Eligibility norms for Admission will be followed strictly as per University Regulation.

For details, kindly visit our website Or may contact Admission Counsellor on 9864750000 / 9954190758 / 9954051419.
Prof. (Dr) Sangeeta Tripathi, Director, NERIM
Padmanath Sarmah Bhawan, Jayanagar, Khanapara, Guwahati -781022
www.nerimindia.org nerimindia@gmail.com

सुजुगिरिनि खोलोम

दानाय-लुनायजों हारिमु लाखिनाय

गोदो गोदाय समनप्रयनो गामिआव राइजो जाग्रा सुबुंफ्रा दानाय लुनायखौ गोनां आरिमु महरै गोबाना लाबोदों। बर' महारिनि गेजेराव बाश्रा फंसे दइ 'जाय हिन्जाव दानाय लुनायाव आखाय गैया बे हिन्जाव सिख्नाखौ रावबो हाबा खालादों। बाश्राया नंखाय नडा। गामिआव नखरफ्रोमबो साल-गान्दैजों समायना इसानसाली थानायमोन। मेसैं बोथोर सौफेनाय लोगो लोगो नखर नखर सि सोनाय, नो-खनाय, बिनि उनाव गान्दैआव खुन्दुखौ फाना सालाव दानाय। गामिआव हाबहैब्लानो नखर नखर खालथां, खालथां, माखु गाबनाय सोदोब खोनानो मोननायमोन। आथिखालाव नाथाय गामिप्रव हाबहैब्ल्ला माखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागरनो हम्खो, बेखौबो गोथौयै साननो गोनां जाबाय। गोदोफोर खुन्दुखौ गाव गावनो बाइदि रोखोम मुवाजों गोमो, गोथां गोजा, गोमो दाउदै बाइदि रोखोम मुवाजों बाइदि बाइदि गाव गाना सि दानायमोन। दानिया नाथाय, हाथायय मोननाय गोजा गोथां गोमो बाइदि रोखोम गाबनि खुन्दु बायना दखना, जोमग्रा सिमा, बाइदि बाइदि रोखोमनि सि दाबाय। गोदो गामि गामि इन्दि बिफांनि बागान खालामना एमफौ फिनानै फिथोबनिप्रय इन्दि, खुन्दु दिहना इन्दि सि दानायमोन। नखराव जोमनो दोनानेबो युवुनोबो फानहरोमोन। इन्दि सिनि बेसेनआ गोदोनिखुड आथिखालाव गोबां ज'सिनबाय। गोबां रोखोमनि इन्दिसि दाना दिहनुो हाब्ला बेनिप्रयबो गोबां रां मोननो हायो। बेजोंनो नखरनि गथ गथयनो लेखा-बायनो गाननाय जोमनायखौबो ज'गार खालामनो हायो। आथिखालनि सुबुंफ्रा नाथाय इन्दिसिखौ जोमाबालानो हाथायय मोननाय मनिपुरि जोमग्रा, काश्मीरि साल बाइदि बाइदि सि फोरखौसो बायना जोमसै। सिनि फालांगि खालामनो माखासे आइजोफ्रा दाजगाबोनायखौ नुनो मोनदों। आइजोफोरनि दानाय लुनायनि आफदफोर दाना लानायखौ नुनो मोनदोंसै। बे रोखोमनि उइभिं सेन्टाराव दखना जोमग्रा बाइदि बाइदि सि दाना हाथाय बाजाराव फाननोबो लाबाय। गामिनि सिख्नाफ्रानो बे उइभिं सेन्टाराव जानो आन्थाल' रां लाना दानाय लुनाय हाबाखौ मावनो हम्बाय। नाथाय बेजों उइभिंनि सोद्रोमाफ्रा बेसे बां मुलाम्फा दैखानो हादों बेबो मोनसे साननो गोनां। नुनो मोननाय बादियैब्ला उइभिंनिफ्राय दिहनुजानाय सि-जोमखौ फाननायनि थाखाय नांगौमानि गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइभिंफ्रा थाना थानांगौआ गोब्राब। हादोरनि बायहाआवबो बे रोखोमनि हाथाय थानांगोन। जेरैखि जाया, महारिनि हारिमु आरो आरिमुखौ फोथाना लाखिनायनि लामाखौबो लानांगोन। बि.टि.सि. हालामनि बर' आइजोफ्रा गोदो गोदायनिफ्राय सोलिबोनाय दानाय लुनायनि आखुखौ फोथाना लाखिनांगोन। बिटिसिनि देदेनिगिरिफ्राबो गामिफोरनि आइजोफोरखौ थुलुंगा होनानै खाथिना जाग्रा सुबुंफोरनो गानग्रा दखना गांसेनि खुन्दु खिनिखौ जगायना सोरकारा होनो हानांगोन। आथिखालनि गामिफोरनि सुबुंफोरनि हाल-साला गाहाम नलिया। जानाय लानायखौनो जगायनो हायाब्ला गाननाय जोमनायखौ मात्रै जगायनो हानो? जेरैखि जाया थानानै थानायनि राहाखौ बिटिसिनि देदेनिगिरिफ्रा गामिनि सुबुंफोरनो हानांगोन। बिनि लोगो लोगो महारिनि हारिमु आरो आरिमुखौबो फोथानानै लाखिनांगोन □

दिनेनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** जानाय-लानायाव सांग्रां जानानै जानांगोन। जेनायाव गोमलैनो हागौ। साबधान जा।
- वृष:** माबा मोनसे मुवा-बेसाद मोनो हागोन। गोसोखौ गोजोन मोनगोन। मोजां सम।
- मिथुन:** सोरजोबा गोसोआव दुखु मोननाय बाश्राफोर बुंजाबायनो हागौ। गोसोखौ लोरबां दाखालाम।
- कर्कट:** माबाफोर मोजां दोहोन नख 'रनिफ्राय मोनो हागोन। गोजोनायजों सम हगार हरनो हागोन।
- सिंह:** बादायलायनायाव देरहासार जालानानै बान्था मोनो हागौ। गोसोआ रंजाखानाय मोनगोन।
- कन्या:** माखौबा लानानै गोसोखौ गाजि मोनखांबाय थानो हागौ। गोसोखौ हम्था।
- तुला:** मोजां मोनलायनायनि गेजेराव नागरलायनाय सोमजिनो हागौ। गोसोखौ लोरबां दाखालाम।
- बृश्चिक:** बायदिसिना मोनो लुबैनाया बांगोन। गोसोखौ हम्थानांगोन।
- धनु:** जेबो जेना गैयै सन्थियै थानो हागोन। गोजोनाय मोननायजों समखौ बारहोनो हागोन। मोजां दिन।
- मकर:** माखौबा लानानै गोसोआव गिखानाय सोमजिनो हागौ। जेखि जाया लोरबां जानो नाड।
- कुम्भ:** नख 'राव एना-एनि दावराव-दावसिफोर सोमजिनो हागौ। गोसोखौ हम्थानांगोन।
- मीन:** जेखि जाया आन्जादआव उथिसारनो हागोन। गोसोआव रंजाखानाय फेगोन। मोजां दिन।

जारिमिनारी सिखनाझारानो बर' राजानि नबथिमोन

दि देमास्री

दानि क'कराझार

सहरनिफ्राय साहा नैजि कि:मि:सो गोजान थाडोब्ला 31 नं गहाय राजा लामाखौ मोनहैगोन। बे 31 नं गहाय राजा लामानिफ्राय साहा रोमै रोमै खोमसि दरसि आरो मोथांखोर नुहुदरलायनाय गुदु हाग्रामायानो जादों सिखनाझार। सानश्रहायै जीब जुनार आरो बेसेन गोसा बिफां लाइफांफोरजों बुंफबनाय बै बेसेबांवा गुदु हाग्रामाया साहा गंगार हादोर एबा भुटान हादोरसिम नांथाहैनाय। बयनिबो मिथिनायाव बेयो मोनसे जारिमिनारी हाग्रामा आरो बै हाग्रामानि मुंखो बयबो सिखनाझार होन्नानै मिथिगौ। आबै आबौमोनहा बुंलानाय बाइदिब्ला आरो जारिमिननि बाइदिब्ला गोदो सासे मुंदांखा गोहो गोरा बर' राजाया बै ओन्सोलाव राजथावनि गाइसनदोंमोन। बै ओन्सोलावनो मोनसे समायना रमायना हाजो सारिया सिखना मुडै मिथिजानायमोन। बिखायनो बै राजाखौ सिखना राजानि गुबै मुडा हावरिया मन्डल मुडेबो मिथिजादोंमोन।

गोदोनि दिनाव बर'फोरखौ सम लायै सम, जायगा लायै जायगा गुबुन गुबुन मुडै मखेनायमोन। जेरै-असुर, दानब, किरात, डिमासा बाइदि बाइदि। गोबां सानसुमैफोरनि बाइदिब्ला गोदो बर' हारिया मेचो दैमा सेरफाडव राइजोजादोंमोन। बिखायनो बर' हारिखौ गुबुन हारिफोरा मेच बुडोमोन आरो दासिमबो बुडे। हावरिया मेचनि उनाव बिनिनो फिसाज्ला बिशु एबा बिश्वसिं मेचआ सिखना राइजोनि राजा जादोंमोन आरो बिमानि थिनायाव राजथावनिखौ बै सिखना ओन्सोलनिफ्राय दानि सोनाव बंगलनि हिंगुलाबास होन्नाय थावनियाव बोस्लायलां दों मोन। राजथावनिखौ सिखना ओन्सोलनिफ्राय हिंगुलाबासआव बोस्लायलां नाय समाव गोबां बर' फोरजा फिसाफ्राबो राजाजों लोगोसे बै थावनियाव थॉफादोंमोन। बै बर' राजा फोजाफोर गालानाय गुवार नबथियानो लार्से लार्से जोबोर गुदु हाग्राबारी एबा हाग्रामा जाबोदोंमोन आरो बै गुदु हाग्रामायानो सिखनाझार मुडै मिथिजायो। बै गुवार आरो बेसेबा गुदु हाग्रामा ओन्सोलावनो दं बर' राजानि आगोमा गोजाम जारिमिनारि बाइखोन्दा

नेसॉनफ्रा। समायना रमायना सिखना हाजो सेराव आरो जिरि जिरि झाइ झाइ बोहैगलाइनाय शाम'खा दैसा जिडवनो गाइसन जादोंमोन बै बर' राजानि समायना रजथावनिया। बर'फोरा बै समायना रजथावनिखौनो नौ नोगोर होन्नानैबो बुंनायमोन। गोलाव समनि फाख'नाव मिथिगानि बार, अखा बांखानि नांखेबनायाव आरो हाग्रा बंग्राफोरनि जाग्लोबनाय मानलेबनायाव बै बाइखोन्दा, नेसॉनफ्रा गोबांद्राय रोखा रोखा नंलाब्लाबो दं बै थावनियाव समायना रमायना साजायनाय जावनाय गिदिर आरो गुवार, फुखि, अन्थायजों जाबखोनानै साजायनाय लांगोना (गेट) गिदिर गिदिर नफोरनि बाइखोन्दाफोर, ननि गाखोग्रा एबा गाग्रा (सिरि), दैखरफोर, सुथुरफोरखौ नेग्रा एबा जमग्रा (बांखार) आरो एसे जानगारफ्राव दं माखासे बान्दो एबा गर खोनाय। आरो बाहान्दार बिलोनिफ्राय बै थावनियाव जावना लाबोनाय दोंसे जाम्फै। बेफोरनि अनगायैबो गुदु हाग्रा सिडव एबा हा सिंफ्रावबो गोबां बाइखोन्दा नेसॉनफ्रा थानो हागौ। बेखौ सानजायोदि बबेबा समाव गिदिर बांग्रिफोर मावनानै एबा साखान्थिजों बोहैनाय शाम'खा दैसाया गिदिर बाना

बुसावनानै बैफोर आगोमा बाइखोन्दा नेसॉनफोरखौ फबसिन जोबदोंमोन। बेफोरनि अनगायैबो बै गुदु हाग्रामा ओन्सोलाव दासिम गोदोनि बर' नौनारीफोरनि राइजो जालायनाय गोबां नेसॉनफोरखौबो मोननो थाडे। बे गुवार गुदु हाग्रामानि सिं सिं जायगा जायगा गोबां जाम्फै, बान्दो, फुखि आलीफोरनि नेसॉनफोरखौ नुनो मोननाय जायो। दानि बिशमुरी मुडैमिथिजानाय सिखनाझारजों नांजावनाय गुवार गामि ओन्सोलफ्रा गोदो जोबोर गुदु हाग्रामोन। बे ओन्सोलनि गोदोनि आबै आबौमोनहा। हादान सिफायजेननायाव बे ओन्सोलफ्राव गोदोनि सुबुंफोर बाहाय लांनाय गोबां नेसॉनफोर मोन्दोंमोन होन्नानै फोथायथायै फोमयलादोंमोन। दानि बाइदिनो समनि बर' नौनारीफोराबो आबाद मावनानै जायोमोन। ओंखायनो बै ओन्सोलाव आली, जाम्फै आरो बान्दोफोरनि गोबां नेसॉनफोर नुनो मोनदोंमोन आरो दासिमबो बै ओन्सोलनि गोबां गामिफ्राव दैखर जावनाय एबा हाखर जावनायफ्राव गोदोनि सुबुंफोर बाहायलांनाय गोबां आगजुफोर मोननाय गामिआरिफोरा रोखा रोखा

फोमयो। गोमोथावदि दाब दाब गामिफ्राव मोननाय बैफोर आगजुफ्रा गोरोबनाय, दैफुफ्रा गोदोनायाव आगर गोनांलाय आरो आसानफ्रा गिदिर गिदिर, आबै आबौमोनहा बुंलानाय "गोदोनि मानसिफोरा गिदिर गिदिरमोन आरो बिसोरनि आसानफ्रा दानि मानसिफोरनि फे - द म ा ि न हाबजालायनायमोन" होन्नाय बाश्राफ्रा गोरोबफलेनाय आरो बेफोरनि अनगायैबो गोबां थामा एबा पिटलनि आगजुफोरखौ मोननायाबै ओन्सोलनि ओन्सोलारीफोरा फोमयो। ओन्सोलारी सुबुंफोरनि फोथायनाय :-ओन्सोलारी बर' सुबुंफोरा थावनिखौ मोनसे गोथार एबा निस्थार थावनो हि साबै फोथायो। बिसोर फोथायोदि गोदोनि बर' राजाया एबा सिखना राजाया बाथौ सिबिनायमोन आरो बै थावनियावनो बाथौ बोरायखौ सिबिनानै बियो जोबोर गोहो गोरा जानो हादोंमोन। ओन्सोलारी आबै आबौमोनहा फोमयलांनाय बाइदिब्ला बै गुदु हाग्रामा ओन्सोलाव जायगा जायगा सिजौ बिफांफोर नुनो मोननायमोन। बिखायनो बिसोरनि

बाइदिब्ला बै थावनियाव खालाय दैफोन खालामजाया। नाहा एबा मैहा थांब्ला बिसोर गोथारै फुजा हैग्रोयोमोन। बेवहाय खालाय दैफोन खालाम हैब्ला हाजार मै, अमा गावब्लाबो एबा हाजार ना नुब्लाबो गोमोथावै मासेबो मोनबोनोयामोन होन्नानै ओन्सोलारी आबै आबौ मोनहा फोमयनायमोन। आरो एखनब्ला बाइदि मैया खेदां खैफोदफ्रावबो गोमलैनाडो मोन होन्नानै बिसोर फोरमायोमोन। बिखायनो ओन्सोलारी सुबुंफोरा बै थावनिखौ गोदोनिफ्रायनो मोनसे गोथार थावनि हिसाबै फोथायबोदोंमोन आरो दासिमबो फोथायनायखौ नुनो मोनो। दासिमबो बै गोथार थावनियाव गोबां बरसाफोरानो बोसोरै बोसोरै खाम, सिफुं आरो जथा लानानै फुजा हैनाय एबा खेरायहैनायखौ नुनो मोनो। बै ओन्सोलनिनो मुंदांखा उल्टाबावा थानसाली एबा मन्दिरनि फसंगिरि गहाय सादुआ गोबाव सम बै थावनियाव ध्यान खालामदोंमोन, आरो ध्यान खालामनानै बिथाडा बुंलादोंमोनिदि बै थावनिया जेने सेने नड बेवहाय गिदिर गोहो दं □

सुंद'सल' थरायना बबिता गयारी

श्रीकृष्णखौ

भगवान आनान ग'साइनि मोनजि अबतारनि मोनसे होन्नानै गनायनाय जायो। कंसनि जोबथेसालिआव जोनोम मोननाय श्रीकृष्णनि बिफा बिमानि मुख लारियै बासुदेब आरो दैबक्रीमोन। जोबथे सालीआव जोनोम मोननायनि इयुनाव श्रीकृष्णआ नन्द योशोदानि खानायाव देरबोदोंमोन। इयुनाव बियो सोनाब भारतनि द्वारकापुरिआव राइजो खुंदोंमोन। द्वारकायाव श्रीकृष्णहा से कौटि रौनियाफोर दंमोन। श्रीकृष्णआ द्वारकायाव राइजो खुंनय समाव सानजा भारत गेजेर भारत आरो सा भारतनि राइजोफोराव आर्य नडै अनार्य सुबुंफोर राइजो जानायमोन। जेरै, मगधआव राजा जरसन्ध, बिदभनि कुन्डिन नोगोराव राजा भीष्मक, चेदी राइजोआव राजा शिशुपाल, पोन्द्र राइजोआव पुन्द्रक राजाफोरा गोमोम राइजो खुंनानै दंमोन। मगध राइजोआ दानि बिहारनि माखासे जायगाफोरखौ लानानै जौगाखांदोंमोन। पोन्द्र राइजोआ दानि सा-बंगलखौ लानानै खाथि खालानि जायगाफोरखौ लानानै जौगाखांदोंमोन। बिदभ राइजोआ दानि महाराष्ट्र राइजोआव गोमलैबाय। चेदी राइजोआ दानि बुन्डे लखन्दआनोमोन। बे राइजोफोरनि राजाफोरा श्रीकृष्णखौ सैथारमोन। फारसेजों भीष्मक राजानि फिसाजो रुक्मिनीआ सिं श्रीकृष्णखौ गोसो थोनायमोन। श्रीकृष्णखौ फिसायनि महराव मोननो अरायबो हास्थायबाय थानायमोन। रुक्मिनीआ गावखौ गोसोथोनाय बाश्राखौ श्रीकृष्णआ मान्थिनो

जारिमिन

मोनदोंमोन। रुक्मिनीखौ हाबा खालायनानै लानो श्रीकृष्णआ बिथांखि लादोंमोन। नाथाय भीष्मक राजाया गुबुन साननानै दंमोन। फिसाजो रुक्मिनीखौ चेदी राइजोनि राजा शिशुपालनो हाबा होनानै हरनो साननानै दंमोन। गाव साननायबादि राजा भीष्मकआ फिसाजोखौ राजा शिशुपालनो बिलायनानै हरनो दिन बारबो थिरां खालायदोंमोन। शिशुपालआबो रुक्मिनीखौ गावनि रानी खालायनानै लानो दावगा बोदोंमोन। रुक्मिनी आरो शिशुपालनि हाबानि थाखाय दिन-बार थिरां जाबाय होनानै खोनाहै नायनि इयुनाव श्रीकृष्णआ कुन्डिन नोगोराव फैनानै रुक्मिनीखौ सेनानै लाना थादोंमोन। गोमोम रोन जादोंमोनब्लाबो श्रीकृष्णआनो देरहासार जादोंमोन। मगधनि राजा, पौन्द्रनि राजा, चेदीनि राजा मोनहाबो श्रीकृष्णखौ होबथानो हायाखैमोन। राजा भीष्मकखौ मरिय बंशजों संरजाबनाय जायो। मरियफोरा तिब्वेत-बरमन मंगलीय सुबुंफोर। बे फारसिनिफ्राय नायोब्ला श्रीकृष्णआ बडिक राव रायलायग्रा रुक्मिनीखौ हाबा लाहैदों होननो बेवनो खाबु मोननाय जायो। भीष्मक राजानि खोलाहानि राइजोआ बान राजानि राइजोमोन। बान राजायाबो आर्य नडैसुबुंफोरनि राजामोन। बान राजा आरो कामरुपनि बर' राजा नरकासुरनि गेजेराव गोमोम नांथाबनाय सोमोन्दो दंलायोमोन होन्नानै पुरानाव फरायनो मोनो। बान राजा आरो नरकासुरनि सुबुंफोलेरआ मोनसेआनो जानांगौमोन होन्नानै-बुंनो

बेवनो खाबु मोनो। रुक्मिनीखौ श्रीकृष्णआ हाबा खालायनानै लाहैदोंमोन। श्रीकृष्णआ रुक्मिनीनि गोबॉनिफ्राय फिसाज्ला प्रदुम्नखौ मोनदोंमोन। प्रदुम्ननि फिसाज्लानि मुख अनिरुद्धमोन। श्रीकृष्णनि फिसौज्ला अनिरुद्धआ बान राजानि फिसाजो उषाखौ गोसोथोनायमोन। बान राजाया जातिनि सुथुर श्रीकृष्णनि फिसौ अनिरुद्धनो फिसाजोखौ हरनो गोसो गैथारामोन। नाथाय श्रीकृष्णआ बान राजाखौ रोनाव फेजेनानै उषाखौ फिसौज्ला अनिरुद्धनो हाबा होदोंमोन। बे फारसिनिफ्राय नायोब्ला बुंवावनो हायोदि, अनिरुद्धआबो आर्य नडै सुबुंफोरलेरनि हिन्जावखौ हाबा खालायदोंमोन। बे जाथायफोरा आर्य आरो अनार्य सुबुंफोरनि गोरोबलायनाय आरो गलाय गथाय जानायखौनो दिन्थियो। ओजों कामरुपनि राजा नरकासुरा गोहोजों बोलोजों जेरावबो जेरैबो देरहासार जानानै राइजो खुंनो ह'मदोंमोन। नरकासुरा प्रागज्यतिषपुरनि बुहुम बशनि राजामोन। बिष्णु पुरानाव लिरनाय बादिब्ला नरकासुरनि बिफाया बिष्णुमोन आरो बैसोमुथीआ बेनि बिमामोन। लिरनायाव दं, जेब्ला आइ बैसोमुथिआ लैथोआव गोदोलांनो ह'मदोंमोन, बे समाव बिष्णुआ अमा महर लानानै संसाराव नुजाफेदोंमोन आरो बुहु मखौ लैथोआव ग'लानायनिफ्राय बोखांदोंमोन। बिष्णुनि दानाय बिलिरनायाव आइ बैसोमुथीआ गोबॉगिथि जादोंमोन। इयुनाव

बैसोमुथीआ नरकखौ जोनोम होदोंमोन। बेनिखायनो नरकासुरखौ भीम एबा बुहुम बंशनि सुबुं होन्नानै बुडे। नरकासुरनि फिसाज्लाया भगवत्त। महाभारतआव लिरनाय बादिब्ला भगदत्तनि गासिबो रौनियाफोरा चीना आरो किरातफोरमोन। भगदत्तनि राइजोआ आसामनिफ्राय जागायजेननानै खोलाहा लैथोसिम मोन। आसाम आरो बंगलआ भगदत्तनि राइजोमोन बेखौ रोखा बुंनो हायो। गुबुन बाश्राया जाबाय आसाम आरो बंगलाव राइजो जानाय सुबुंफोरा किरात आरो चीनाफोरमोन। बेनिखायनो भगदत्तनि रौनियाफोरा गासिबो चीना आरो किरातफोरमोन। किरात आरो चीनाफोर राइजो जानाय राइजोनि राजाया किरात आरो चीनाफोरनिनो सासे सुबुं जाखागोन। दानि बर'फोरा बिसोरनिफ्रायनो ओंखारबोनाय। बिष्णु पुरान आरो महाभारतनि लिरथायफोरा रोखा दिन्थियो दि, भावत्त आरो बेनि बिफा नरकासुरा गोजाम कामरुपनि बर' राजाफोरमोन। नरकासुर बर' राजाहा बिफानिफ्राय मोननाय बिष्णु अस्त्र दंमोन। बे अस्त्र गोनांखाय नरकासुर बर' राजाखौ रावबो फेजेनो हायामोन। बियो संसार फेजेनो हायामोन। बियो बोनानै लाबोदोंमोन। गोहोगोरा बर' राजा नरकासुरहा गासै जिड' रोजा हिन्जाव दंमोन नो। बर' राजा नरकासुरा बे बादिनो थैनानै थादोंमोन। नरकासुर

हरसान बेंनाय जायोमोन। बेनि नोगोराव रावबो हाबनो हायामोन। बेनि जिड' रोजा बिसिफोरा हा सिडव लुनाय अन्दर मंहालाव थानायमोन। नरकासुरनि गोहो बोलोआव थावरिनो हायैलाय, मोदायफोरा जिंगायाव गोमलैदोंमोन। नरकासुरखौ मात्रै फोफोजेनो होनांगो बेखौनो सानलायबाय थानायमोन। मोनबो उपाय गोयैलाय, मोदायफोरा सानसेखालि श्रीकृष्णनिफ्राय थादोंमोन। थानानै श्रीकृष्णनि सिगाडाव गावसोरनि सातजार लाखौ बिबुंसार हैदोंमोन। नरकासुरनि गोहो बोलोनि सोमोन्दै खोन्थाहैदोंमोन। नरकासुरखौ द'फथायनो हायाब्ला, बिसोर मोदायफोरा सोरगो राइजोखौबो गोमानांसिगोन होन्नानै ग'सर गाबहैदोंमोन। मोदायफोरनि ग'सरगावनायाव श्रीकृष्णआ गलिलादोंमोन। बियो प्रागज्यतिषपुरसिम फैनानै नरकासुरजों रोन होफेदोंमोन। श्रीकृष्ण आरो नरकासुरनि गेजेराव गिलु बालु रोन जानानै थादोंमोन। बोसोरनि इयुनाव बोसोर बिसिबा गोलाव रोन जादोंमोन। अरजोंबो जेना, दैजोंबो फेजेनो हाया आरो अस्त्रजोंबो गावथारनो हाया नरकासुरखौ फेजेननाया गोब्राब जानानै फेदोंमोन। नरकासुरनि आखायाव जिसिबादिन बिष्णु अस्त्र थागोन, बेखौ फेजेनो हानाय नडा बे बाश्राखौ श्रीकृष्णआ मोन्थिनानै बिष्णु आनान ग'साइनि मदद लानो गोनां जादोंमोन। गावनिनो अबथार श्रीकृष्णनो बिष्णु आनान ग'साया मदद होदोंमोन। बिष्णु अस्त्रखौ दान्दिसेनि थाखाय बिष्णुआ बुश्रा खालायनानै होदोंमोन। बे सुजुगखौ लानानै श्रीकृष्णआ नरकासुरखौ गावथारदोंमोन। बर' राजा नरकासुरा बे बादिनो थैनानै थादोंमोन। नरकासुर

थैनानै थानायनि इयुनाव श्रीकृष्णआ बेनि फिसाज्ला भगदत्तखौ प्रागज्यतिषपुरनि राजमासिआव फज'दोंमोन। राजा नरकासुर थैनानै थानायाव बेनि जिड' रोजा रानीफोरा आलाइ आथानि जादोंमोन। फिसायखौ गावथारनायनि बदलै बिसोरनो नरकासुर बादि गोहो गोरा बोलो गोरा फिसाय होफिननांगो होन्नानै नरकासुरनि गासिबो बिसिफोरा दाबि होदोंमोन। श्रीकृष्णआ आख' फाख'आव गोमलैदोंमोन। बे समाव सोगों, मर्थ आरो पातालाव नागिरजोबब्लाबो नरकासुरजों समान गोहो गोरा आरो बोलोगोरा राजा मोननो गैयामोन। उपाय गैयायैलाय, श्रीकृष्णआ गासिबो जिड' रोजा हिन्जावफोरखौ गावजोंनो लांफानो गोनां जादोंमोन। बिसोरखौ लानानै श्रीकृष्णआ गावनो हाबा खालायजोबनानै लाहैदोंमोन। बे बाश्राफोरखौ बिष्णु पुराननि थामजिसे आरो थामजिनै बाहागोआव लिरनानै फोसावनाय जादों। बे बर' हिन्जावफोरनिफ्राय श्रीकृष्णआ गासै दाइनजिरिन रोजा दाइनजौ (87,800) फिसाफोर मोनदों होन्नानैबो बे पुरान बिजाबाव लिरनाय जादों। अमा (बराइ) महरखौ अबतार लानायाव बिष्णु आनान ग'साया आइ बैसोमुथिखौ हाबा खालायफे दोंमोन। बिनि इयुनाव श्रीकृष्णनि महराव अबतार लानाय समाव श्रीकृष्णआ जिड' रोजा बर' हिन्जावफोरखौ हाबा खालायदोंमोन। बिष्णुआ बिहामजोफोरखौ हाबा खालायनानै लानायखौ बोरैबा मोनो। नाथाय बे बादिनो लिरदों □

लामायाव गाज्रि आखु दिन्थिनाय दुथांखौ सिख्लाया साजा होदों

सेन्ट्रल इडनभारिफोराव अबिसिनि 55 जौखोन्दो मासिआ लांदां जानानै दडः सुलुं

गुवाहाटी, 3 आगस्ट : खालामनायखौ बयबो आसामआव राइज्योआरिफोरनि गेजेरावनी गाज्रि आखु दिन्थिनाय सासे दुथां सेंग्राखौ लाइमोन सिख्लाया ओरैबादि विखेर होदोंदि, दायनिगिरिया जिउजोवजासिम बावनाय नड। दुथां आखुनि सेंग्राया सिख्लाखौ गाज्रि आखु दिन्थिनाय खारनो नागिरनायावनी लाइमोन सिख्लाया साहस दिन्थिनाय बिखौ ह्मथायो आरो उनाव पुलिसनी गथायो। बेखौ नुनानै बयबो बिनि साहस

होन्नानै बुंदोंमोन। नाथाय दुथां सेंग्राया बिनि प्राइभेट पार्टआव आखाय होन्नानै बेनिफ्राय बारखोमानो नाजादोंमोन। बे समाव लाइमोन सिख्ला मावनाया गोमोबाय। मा खालामनो मा मानो बियो जेबो बुजिनांखौ मोनसे दंसे समानि थाखाय। नाथाय बियो गावखोनी साहस दिन्थिनाय दायनिगिरिखौ फिनजाथाय होनो थि खालामो। भावनाया फोरमायनाय, बादिब्ला गाव सोरबा गुबुननयाव सोंदो

खरखुमानो नागिरिनाय दायनिगिरिनि स्कुटीखौ उन्थि ह्मथायो। बियो ओरैबादि बोलो होना ह्मथादोंमोनदि, स्कुटीया खारलानो हायाखैमोन आरो भावनाया स्कुटीखौ गोबारे नाइहरनायाव स्कुटीया ड्रेनआव गोलैहोयो। बे जाथाया लामानि सुबुंफोरा बयबो थुबुर जादोंमोन आरो साखाथिनि पुलिसआ खौयं मोन्ना बेयाव सफैयो। फुरा जाथायखौ मिथिनाय पुलिसआ दुथां सेंग्राखौ ह्मनानै लाडो। बे जाथायनि उनाव भावनाखौ बयबो बाखनायो आरो बुडोदि, भावनाया जैबादि साहस दिन्थिदों बयबो आइजोफोरा बेबादि साहस दिन्थियोब्ला दुथां आखुनि हौवाफोर बेबादि खामानि मावनो सानखानाय नड।

गोदान दिल्ली, 3 आगस्ट: मिरु सोल्लोंथाय मावख'नि डायनि बादिब्ला, हादरनाडेनि सेन्ट्रल इडनभारिफोराव गनायजानाय अबिसि मासिफोरनि 55 जौखोन्दो आनो लांदां जानानै दड। बबेखानि भारतयारि बिगियान फसंथान (आइआइएसएसि), बेंगालरआव बे थाखोनि थाखाय लांदां मासिआ 89 जौखोन्दोनि बांसिन दड। मिरु सोल्लोंथाय मन्थि धर्मन्द् प्रधानआ लकसभायाव मोनसे सोंथिनि फिननायखौ लिरनानै फोसावनायाव बे अन्जिमाखौ मिथिहोयो। लकसभायाव सरकारनि दिन्थिनाय अन्जिमा बादिब्ला, गं 45 सेट्रल इडनभारिफोराव एसटि आरो एससि थाखोनि लांदां मासिया फारिये 38.71 जौखोन्दो आरो



41.64 जौखोन्दो दड। बेबादिनो आइआइएसएसिआव एसटिआ 54.7 जौखोन्दो आरो एससिआ 20.2 जौखोन्दो लांदां मासि दड। अन्जिमा बादिब्ला, आइआइएसएसिआव एससि, एसटि आरो अबिसिनि थाखाय लांदां मासिफोरा फारिये 39.4

जौखोन्दो, 57.89 जौखोन्दो आरो 43.7 जौखोन्दो दड। मिरु मन्थि धर्मन्द् प्रधानआ फोरमायदोंदि, लांदां जानानै थानाय मासिफोरखौ थिसन्यायनि बिबानआ सेन्ट्रल इडनभारिफोरनयाव दड। गासैबो थासारिफोरखौ नोजोर होन्नानै आरो थिसन्यायफोराव एससि, एसटि आरो अबिसिनि बिबानगिरिफोरनि रेखाथिखौ रेखा खालामनो थाखाय मिरु सोल्लोंथाय फसंथान बिथोनमा, इडनभारिफोरखौ गंसे फसंथान मानिनानै मिरु सोल्लोंथाय फसंथानफोरखौ फोरगिरिफोरखौ थोंजों थिसन्याय मासिफोरखौ रिजाभेसन होनो थाखाय 12 जुलाइ 2019 आव बिथोनमा फोसावनाय जादोंमोन। मन्थि धर्मन्द् प्रधानआ बुंदोंदि, बिथोनमाया गोहोम गोनां जानायनि उनाव अबिसि

सैरखाथिखौ गासैबो थाखोआव गनायथि होनाय जाबाय। बेनि अनगायै जुन, 2019 आव इडनभारिफोरखौ इडनभारिफोर, फरायसालिमाफोर आरो डिम्ड इडनभारिफोरफोराव थानाय माखासे मासिफोरखौ थिसन्यायनि थाखाय सायख'नाय हाबाफोरिखौ थियारि खालामनायनि थाखाय बिथोनखौ थियारि खालामनाय जादों आरो थिसन्यायनि समाय सिमनाखौ इडनभारिफोरखौ साकुंटीट खालामनाय जादों आरो बिथोनफोरखौ गाहामै मानिनानै सोलिनी थाखाय बुंनयाय जादों। बियो बुंवाबोदि, इडनभारिफोर 31 जुलाइ 2019, 7 आगस्ट 2019, 5 सेप्टेम्बर 2019 आरो 22 अक्टूबर 2019 आव फिन इडनभारिफोरखौ लांदां जानाय मासिफोरखौ थाबैनी थिसनो थाखाय खावलायदों।

करनानि डेल्टा भेरिएन्टआव कभेक्सिन भेक्सिनआ 77 जौखोन्दो गोहोम गोनां



गोदान दिल्ली, 3 आगस्ट: करना भाइरासनि दासिमनि बयनिखुइबो गिख्थवावसिन भेरिएन्ट डेल्टायावबो कभेक्सिनआ गुन गोनां। बे बाथाया आइएसएमआरनि स्टाडिआव सोराडव फेदों। डेल्टानि मोनथाम म्युटेसनआव कभेक्सिनआ 77 जौखोन्दोसिम गुन गोनां। करना भेक्सिन थुजाखानाय सुबुंफोरखौ स्टाडी खालामनायाव बेखौ नोजोर

बिसोरनियाव 65.2 जौखोन्दोसिम गोहोम गोनां मोन्नाय जादों। ह्मदंनानै लानाय जादोंदि, भारतआव आथिखालाव जाय बादिथै करनानि केस मोन्दों बेफोरनि 90 जौखोन्दोआनो डेल्टा भेरिएन्टनि जाहोनाव जादों। बेबादिनो बिटेन आरो आमेरिकायावबो डेल्टा भेरिएन्टआ गोख्थैयै गोसासासिनो दड। बेयो गुबुन मोनथाम भेरिएन्ट अफ कन्सर्न (आल्फा, बेटा, गामा)फोरजों रुजुनायाव बांसिन आरो गोख्थैसिनै गोसारदों आरो बेरामिनि थाखाय गिख्थवावसिनबो जादों। डेल्टया खेबब्रै म्युटेसन जाखांबाय। बेफोर जाबाय डेल्टा एआइ .1, एआइ .2 आरो एआइ .3।

2030 सिमाव भारतआ मुलुगआव जौगाखांसिन्नाय हादत जागोन

गोदान दिल्ली, 3 आगस्ट : 2030 सिमाव भारतआ मोनफ्रामबो बिथिडव मुलुगखौ दैदेनो हागो। बे बाथाया आमेरिकानि सासे बारग' राजखाथि दैदेनगिरिया बुंदों। बेयो बुंदों, मुलुगनि बयनिखुइबो देरसिन दरनै सुबुंत्तन्त्रफ्रा लोमोसैयै गोबां हाबाफारि मावनो हागोन। बयनिखुइबो बांसिन सुबुंफोर थानाय हादत, बयनिखुइबो बांसिन बिटेक लानाय, बयनिखुइबो बांसिन गेजेर थाखोनि सुबुंफोर थानाय, बयनिखुइबो बांसिन सेलफन आरो इन्टरनेट बाहायगिरि थामथि बयनिखुइबो बांसिन साथिनि गोहो आरो थामथि बयनिखुइबो बांसिन रांखाथि

बेबस्थाखो लोमोसे मुलुगनि बयनिखुइबो देरसिन सुबुंत्तन्त्रआव 25 बोसोरनिफ्राय खर्मसिन बैसोनि 60 कौटि सुबुंफोर दं। आथिखालाव भारतआ गासैबो बिथिडव जौगाखांदों। फेनो गोनां 10 बोसोराव गुदि बिथा जौगाखांनयाव 2 ट्रिलियन डलार रांखौ खरसा खालामनाय जागोन। 2030 नि थाखाय गुदि बिथाखौ वेनि थाखायनो दिनें हासिडे 100 था गोदान उरां गाथोननि यजना बानायनाय जादों। भारतआव एसियाननि बयनिखुइबो बांसिन लाइमोन हाबा मावग्राफोर दं। बेनि मुलाम्फाखौ 2050 सिम मोनगोन। भारतआ इनफेक्सनजों

भुगिनांदों। उतखारिजों दावहानांदों। नाथाय थेवब्लाबो गोदान खाबुफोर आरो सुप्रानायनि बाजारआव लाना थानाय जादों, जेराव सुबुंफोरनि जिउखौ गोलै, रेखाथि गोनां, मोर्जा, गोबां जाकुंसासाय, गोबां समानथि आरो गोबां रेखाथि गोनां बानायनाय जागोन।

आर्टिकेल 370 खौ बोखारना होनाया 2 बोसोर आबुं जासिगोन

गोदान दिल्ली, 3 आगस्ट : जम्मु काश्मीरव अनुच्छेद 370 खौ बोखारना होनायआ 5 आगस्टआव 2 बोसोर फुरा जागोन। बे थानाय 2 बोसोराव बेवहाय उतखारि, अन्थाय खुबैनाय आरो हडतालआ खमि जानायआ हादतनाडैनि इनभेस्टमेन्ट खालामग्राफोरनि गोसोखौ बोनी हादों। जायगानि खुंथायआ बे खाबुनि मुलाम्फाखौ लानानै ब्रान्ड जम्मु काश्मीरखौ जौगाखां होनो नाजादों। खुंथायआ बे बोसोरनि एग्रिल दानआव लचीली आरो सिंगेल उडन्ड सिस्टम थानाय गोदान टेक्नलजि आरो हा सा बाहागोखौ जगायना होनायनि

नेमखाथिखौ फोसावदों। जम्मु काश्मीरआ उद्यम आरो फालांगि बिफानआव गाहाय सेक्रेटारिनि सामलायनायाव जानाय गोजौ थाखोनि जथुमाआव थानाय दानाव जम्मु डिभिजनआव 1548 कौटि रांनि 15 था प्रजेक्टनि थाखाय हा सा बाहागोखौ जगायना होनाय जादों। बेजों 5 हाजार साथि ओंखारगोन। बेनि अनगायै जम्मु काश्मीरआव 20 हाजार कौटि रांनि प्रजेक्टखौबो गनायथि होनो नागिरदों। बेजों 84 हाजार खामानिया ओंखारदों। लोमोसेनो राइज्योआव जौगाखांनया हाबाफारिखौ गोखे खालामनो

खालाम खांबाय। गोदान इन्डस्ट्रियल नेमखाथिथया 2021-30 नि थाखाय बे नेमखाथिनि गेजेरजों गासिबो

रोखोमनि टेक्नलजि फसंथानआ 31 मार्च 2026 सिमाव इन्सेप्टिबनि थाखाय गुन गोनां जागोन।

भारतयारि हकी हान्जाया सेमिफाइनलाव बेल्जियामजों जेनबाय

गोदान दिल्ली, 3 आगस्ट: टकिय अलिम्पिक 2020 नि हकी मेचआव भारतयारि हौवा हकी हान्जाया फाइनलाव सौहै नायनि खाबुखौ खोमानांबाय। नाथाय दासिमबो भारतयारि हान्जानिसिम ब्रन्ज मेडेल देरहानायनि सुबिदा दड। सेमिफाइनलाव मेचआव बेल्जियामनि हेथायै गाज्रियै जेन्नांनयनि उनाव भारतयारि हौवा हकी हान्जाया गल्ड आरो सिलभार मेडेल देरहानायनि खाबुखौ खोमानानै लानांबाय। मंगलबारखालि टकियनि अआइ स्टेडियम नर्थ पिचआव बादायनाय गिबि सेमिफाइनलाव भारतयारि हान्जाया बेल्जियामनि हेथायै 5-2 गलनि फारागथिजों जेन्नांदोंब्लाबो नाथाय भारतनिसिम 41 बोसोरनि उनाव मेडेल देरहानायनि खाबुआ दाबो दड। भारतयारि हकी हान्जाया गिबि क्वार्टरआव 0-1 नि फारागथिआव उन जानानै



दडमोनब्लाबो नैथि राउन्डआव फिन गोहोआव फेफिनानै मेचखौ 2-1 गलनि फारागथिजों दैदेनो हायो। नाथाय नैथि हाफ समाव टीमनिफ्राय गरसेबो गल सोनो हायै आरो खेबसेनि उनाव खेबसे बेल्जियाम हान्जानिफ्राय पेनाल्टि कर्नरआव गल सोनो

खाबु मोन्नायाव भारतयारि हान्जाया जेन्नायजों मोगा-मोगि जानाडो। 1 डर्जननिबो बांसिन खेब बेल्जियामनि हान्जाया पेनाल्टि कर्नरनि खाबु मोनो। भारतयारि हान्जानिफ्राय केपेन केपेन मनप्रीत सिं आरो हरमनप्रीत सिंआ गरफा-गरफा गल सोनो हायो।

No. TE[Ex] Admn-2/2021/

EDUCATIONAL NOTICE

FOR

MODERN OFFICE MANAGEMENT [MOM] 2021

[GIRLS' CANDIDATES] ONLY

ENTRY QUALIFICATION [10+2 PASSED]

In continuation of this office earlier Educational notice published in the leading newspapers vide No. Janasanyog/D/1204/21 dated 18/06/2021, it is hereby brought to the notice of all concerned that the date of online application Registration in respect of MODERN OFFICE MANAGEMENT [MOM]-2021 has been extended up to 20th August, 2021.

1. Date of issue of Online Admit Card : will be declared later on.

2. Date of Entrance : will be declared later on.

Important Note: The said notification may be modified as per the guidelines issued by the Government for the present pandemic COVID-19 situation.

Director of Technical Education, Assam, Kahlilpara, Guwahati-19.

JANASANYOG/D/3267/21

टकिय, 3 आगस्ट: टकिय अलिम्पिक 2020 आव मोनसे सोमोनांथाव नुथायखौ नुनो मोन्दों। सानै फाइनलिस्टफोर गल्ड मेडेल गंसेखौनो शेरार खालामदों। फाइनल मेचआव

सानैबो समानैनो देरहानायनि जाउनाव बिसोर सानै बादायारिफोर गंसे गल्ड मेडेलखौ शेरार खालामदों। कातारनि मुताज एसा बाशिम आरो इटालीनि जियानामार्क ताम्बारिआ टकिय अलिम्पिक सानै जावजा देहागिरिफोर। टकिय अलिम्पिकनि हाइ जाम्पनि फाइनलाव जावजायै देरहानाय बिसोर सानैनि सायाव मुलुगनि फेसपोरा गोमोनाय मोन्दों मानो हेरिमायारि थाखोनि सेम्पियनसिपआव गल्ड मेडेलआव सासेल' बादायारिआ गावनि मुं लाखिनो हायो। रिपर्टनि बादिब्ला, 2018 नि वर्ल्ड इड-20


सेम्पियनसिपआवबो बेबादि थासारिआ नुजानानै फेदोंमोन, जेराव सानै बादायारिफोरखौ जुथायै देहासार जानाय फोसावदोंमोन। ग्रीसनि एन्डनियास मेलसि आरो मेक्सिक'नि राबर्टि उइलचेसआ आगानसे आवायनो हायो आरो मेचआव देरहानानै फेयो। अलिम्पिकनि हाइ जाम्पआव मोनसे शुटनि थाखाय सा 7 हौवाफोर दासिमआव 2.37 मिटरनि जौथाइ बारनारजों जीसिम थाखोआव फेनो हाबाय, जाय अलिम्पिक मेचनि बादायारिआवबो बयनिखुइबो जौसिन बारनारनि फाइनल बादायनाय जानानै दड।

ट्रेनफोरनि समफोरखौ सोलायनाय				
गाहायाव मख'नाय स्टेसनफोरनि सिडव मख'नाय ट्रेनफोरनि समफोरखौ सोलायनो थियथा लानाय जाबाय				
15619 आप गय-कामाख्या स्पेसियलआ गयानिफ्राय हगालनाय 10-08-2021 निफ्राय गोहोम गोल्लेगोन (गडज्योफोरनि सम फारिलाइ)				
स्टेसनफोर	सिगांनि सम		सोदांनय	
	सफेनाय	नागाल्नाय	सफेनाय	नागाल्नाय
निउ कचबिहार	06.05	06.30	06.00	06.05
निउ आलिपुदुवार	06.47	06.52	06.30	06.35
कक्राझार	07.46	07.48	07.33	07.35
05656 आप समता डि डि कक्रा-कामाख्या जू'रि ट्रेनखौ समता डि डि कक्राफिराय हगालनाय 11-08-2021 निफ्राय गोहोम गोल्लेगोन (गडज्योफोरनि सम फारिलाइ)				
स्टेसनफोर	सिगांनि सम		सोदांनय	
	सफेनाय	नागाल्नाय	सफेनाय	नागाल्नाय
निउ आलिपुदुवार	04.55	05.00	04.15	04.20
कक्राझार	06.07	06.09	05.20	05.22
15661 आप गचि-कामाख्या स्पेसियल ट्रेनि सन्निफ्राय हगालनाय 11-08-2021 निफ्राय गोहोम गोल्लेगोन (गडज्योफोरनि सम फारिलाइ)				
स्टेसनफोर	सिगांनि सम		सोदांनय	
	सफेनाय	नागाल्नाय	सफेनाय	नागाल्नाय
निउ आलिपुदुवार	18.10	18.15	17.55	18.00
कक्राझार	19.10	19.12	18.55	18.57
05662 आप अन्द बिहार ट्रेनिनाल-कामाख्या स्पेसियल आनन्द बिहार ट्रेनिनालनिफ्राय हगालनाय 30-08-2021 निफ्राय गोहोम गोल्लेगोन (गडज्योफोरनि सम फारिलाइ)				
स्टेसनफोर	सिगांनि सम		सोदांनय	
	सफेनाय	नागाल्नाय	सफेनाय	नागाल्नाय
निउ आलिपुदुवार	10.05	10.10	09.25	09.30
कक्राझार	11.06	11.08	10.33	10.35
05640 डउन कामाख्या-गुरि स्पेसियलखौ कामाख्यानिफ्राय हगालनाय 08-08-2021 निफ्राय गोहोम गोल्लेगोन (गडज्योफोरनि सम फारिलाइ)				
स्टेसन	सिगांनि सम		सोदांनय	
	सफेनाय	नागाल्नाय	सफेनाय	नागाल्नाय
निउ कचबिहार	01.20	01.45	01.10	01.35
स्टेसन निउ कचबिहार	12.15	12.40	11.50	12.15
05624 डउन कामाख्या-भगत कि कति स्पेसियलखौ कामाख्यानिफ्राय हगालनाय 13-08-2021 निफ्राय गोहोम गोल्लेगोन (गडज्योफोरनि सम फारिलाइ)				
स्टेसन	सिगांनि सम		सोदांनय	
	सफेनाय	नागाल्नाय	सफेनाय	नागाल्नाय
स्टेसन निउ कचबिहार	22.50	23.15	22.25	22.50

गाहाय सामत्यागिरि (अपरसनस) सा-सान्जा सिमना ओन्सोल रेलवे

गल नाथाय बल नडा, गथ 'फोरा बिनि लान्जाय हमनानै गेलेयो, बेनि सोंथिनि फिन्नायखौ मिबथियो ना ?

गोदान दिल्ली, 3 आगस्ट : जों सरासन्ना जिउ खानायाव माखासे थासारिखौ नुनो मोनो, खोनायो आरो बाहायो। सरासन्ना महरे जों माखासे थासारिखौ नोजोर होनो हायादि, बेयो मानो बेबादि जादों। सम सम सुबुंफोरा फिसा-गिदिर सरासन्ना बाध्याखौ सावराय लायो। नाथाय बेजों सोमोन्दो थानाय सरासन्ना गियाननि सोमोन्दे बिसोरो मिबथियो मोना। इन्टरनेट आरो ससियेल मिडियानि मुगायाव गथ 'फोरा जेनेरेल नलेज आरो जेनेरेल अवरनेजनि सोमोन्दे फिसा फिसौ क्लासनिफ्राय मिबथियो मोनो। माखासे फिसा-फिसौ सोंथिनि फिन्नायखौ गथ 'फोरा होनो हायो। नाथाय हुदा गैथैनि जाहोनाव गिदिरफोरा बिबि फिसा-फिसौ



सोंथिनि फिन्नाय होनो हाया। माखासे सोंथिफोरा जादों : (1) बिजिनि गोजूआव बिजि दं आरो घडियाव जेसेबां टाइम जानो नागिरदों, बेवहाय बेसेबांसिम मिनिट आद्रा दं। फोरमायनाय बे समाव घडिआव बेसेबां सम जादों। फिन्नाय : घडिनि समा 9

रिंगा 50 मिनिट जादों, जेराव 10 रिंगा जानो 10 मिनिट आद्रा दंवावयो। (2) सासे आइजोखौ नायनानै सासे हौवाआ बुंदों, बिनि बिमा-बिफाआ आनि बिहाव बिखुनजो, अब्ला बि आइजोआ बै हौवानि मा जायो ? फिन्नाय : आइजोआ बि

हौवानि फिसाजो। (3) भारतनि माबे दरने राइज्योफोरनि गेजेराव बावयैसो समाव सिमनानि जे'ना सोमजिनायाव पुलिसनि जवानआ थैदों आरो माखासे सुबुंफोरा जोखोम जादों। फिन्नाय : आसाम आरो मिज 'राम। (4) बे अफ बांगालआ माबे स्टेटआव दं। फिन्नाय : बे अफ बांगालआ लिबिउड स्टेटआव दं, जाय स्टेट नडा मोनसे लैथोसो, जायखौ बंगप लैथो मुडैबो मिबथिनाय जायो। (5) गल नाथाय बल नडा, बेनि लान्जायखौ हमनानै गथ 'फोरा गेलेयो, फोरमाय बेयो मा ? फिन्नाय : बेलुन।

भारतआवल' दड' 12 बोसोरनि उनाव खनसेल'बारग्रा निलकुरिनजी बिबारआ

गोदान दिल्ली, 3 आगस्ट : सुलुनि बादिब्ला निलकुरिनजी फुलआ गोबां आगोमा आरो बेयो 12 बोसोरनि उनाव खनसेल'बारो। निलकुरिनजीआ फांसे मनकार्पिक बिफां, जाय बिबार बारखानायनि उनाव बिबारा थाबैनो रानलाडे आरो बे बिबारा फिन बारफिननो थाखाय 12 बोसोर सम नाडे निलकुरिनजी फुलआ भारतआवल' बारौ। निलकुरिनजी फुलआ सरासन्ना महरे केरेलानि अनगायै तामिलनाडुआवबो आगस्टनिफ्राय लानानै अक्टबरसिम बारो। निलकुरिनजी फुलआ भारतआ मोनसे गोनाथिबो दं। केरेलाआव मुथुवन जानजातिनि सुबुंफोरा बे फुलखौ रमान्दिक आरो मोजां मोन्नायनि नेसॉन मानियो। गोदो-गोदायनि सल' बाथानि बादिब्ला, बे जनजातिनि भगवान मुरुगाआ मैहुरारी आइजो बेलिखौ निलकुरिनजी



बिबारनि मालाखौ गोनहोनायै जुलि लादोंमोन। बे रोखोमा सोनाय घाटनि पलियान जनजातिनि सुबुंफोरा बेसोनि हिसाबखौ बे बिबार बारनायजों लायो। निलकुरिनजी फुलनि थाखाय कुरिनजीमाला मुनि संरै खाथि मोनसेल' एबा सं'क्युआरोबो दं, जाय

मुनचारनिफ्राय 45 कि.मि: गोजान। 2006 आव केरेलानि हाग्रा बारिनि 32 बर्ग कि.मि: ओन्सोलखौ बे फुलखौ संरैखाथि खालामनो थाखाय रैखाथि लैखिनाय जादोंमोन। बेखौ कुरिनजीमालाव संक्युआरी मुंबो होनाय जादों निलकुरिन्जी फुलखौ केरेलानि गोजोननि नेसॉनबो

मानिनानै लानाय जायो। मानोना बे बिबारा बारनायजों राइज्योनि टुरिज्मआ गोबां मुलाम्फा मोनो आरो नायनो थाखाय सुबुंफोरा लाख लाख रांखौ खरसा खालामो। नाथाय आथिखालाव करना भाइरास इनफेक्सननि जाहोनाव केरेलायाव दावबायारिफोरखौ होबथानाय जादों।

सुबुंथिनि हास्थायनाय

नै सुबुंथिनि थान्दे नों थारैनो बर' हारिनि गेजेराव उजिनानै राव, थुनलाइ, हारिमुखौ, भुमाव गेरमसा खालामनो नाजानाया औरैनो थांगाराखै। नै सुबुंथिनि थान्दे नों दिने भुमाव थानाय गासैबो बर' माहारिखौ खौसे खालामनानै गावजों गाव एना एनि सानलाइनाय सानसिखौ फोजेब्रानानै हारियाव गोमगो गोथार अनज्जायनायनि थासारि लाबोनों नाजानाया आद्रा जानानै थालांबाय। नों दिने बर' नि गोल्सैफिननो नागिरनाय रावखौ नौनि मेंनाय बानाय गैथै, हाथा-हामा सान-हर नाजाथावनानै हाबा मावनायनि जाउनाव बर' रावआ भारत संबिजितनि 8 थि आवथायाव सरकाजों गनाय जानाय राव हिसाबै भुम दरबाराव जायगा मोनबाय। नै सुबुंथिनि थान्दे नौनि हास्थायनाय मिजिकआ दिने जाफुंसारनायनि रेगा नुजाबाय। नौनि हास्थायनायाव आद्रा थालानाय हाबाफारिफोरखौ अरायबो जों खौसेयै सुफुलानो नाजागोन।

मुसि महन चन्द्र ब्रह्म
गामि- बंसिगाव

मानोथो मोजां मोनामोन नों आंखौ ?

मोजां मोन्दोमोन र'जे, आं नोंखौ, बोहैथि दाननि मार्च थामजिसे खालारनि लाथिख' ब्रै माइथायनिफ्राय। बेसेदि समायना-बेसेदि रमायनामोन महारा नौनि, गन्थंआ नों सु, खानाय रुम्बां, जानजि सेरे-रे सोमजो-जो, हाइलो-लो, मालायनि हांगारब्ला बालेडे नों आनि सं'ना फिथरमोन। होदोंमोन अनजालि नोंबो आंनो, दंनायमानि अननायखौ नौनि गोबेनिफ्राय, मुगैया-मुजुआ, आंखौ नों गावनि सानानै। नाजावदोंमोन आंनो नौनि अननायखौ, गोथार गोसोयै नेवसिया-हसिया, नोंखौनो आनि जीउनि सानानै। नोंथ' मिथिया नौनि थाखाय आं, बेसेदि दुखु, जाल्ला, खस्थ' सहायबोदोंमोन बेरायै-बेरायै, नायदिडै-नायदिडै, जेराव मोनो बेवहाय, नोंखौनो लोगो मोनगोन आसायाव न'निफ्राय बाहेरायाव लोगो हमनोबो सानो आं नोंखौ, रायज्जायहेनोबो सानो आं नोंजों, नाथाइ, मोनाब्ला आं नौनिफ्राय थुलुंगा, हेंथागिरि जाबायब्ला नों आनि गोसोनिफ्राय, बोरैथो थानो नोंखौ लोगो हमनो ? मानोथो जासियामोन अनजालि, नौनि अननायखौ आंनो, नाथाय दिने, खोनाब्लाबो खोनायै बायदि, नुयोब्लाबो नुयै बायदि, महर नौनि जाहोना मा ?

मुसि भुमजीत ब्रह्म
कक्राझार कलेज
कक्राझार (बि.टि.आर)

रंजालि गथ' फोरनि सौरा

बर' हारि

आदार

बर' हारिया मुलुगाव थानानै थायाब्ला जागोन बर' हारिया आलाइ सिलाइ बर' हारि गावनि थैथो अननो रोडब्ला हारिनि मोदैया जागोन लैथो- लैथोमा,, बर' हारिया फरायनो रोडब्ला मावनो दानो सोलोडब्ला, हारिया जागोन मुलुगाव बिबाययारी। बर' हारिया मालायनि हाथियार जानानै दामाव मालाय हारिनि सायाव इनाय हाबा, बर' हारिया दासान मालाय हारिखौ फोजेबनो दासान मुलुगाव बाइखोन्दा नोशॉन गालानो। बर' हारिया राजउलाफादखौल' सिनायोबा जागोन बर' हारिया आलाइ-सिलाइ, गोदाव सोराव, बर' हारिया रां रुपाखौल' सिनायोब्ला जागोन बर' हारियाव थैनि बाना। बर' हारिया हारिखौ अरायबो फोथानो नाजायाब्ला हारिया बुहुमाव गोमोरलांगोन। बर' हारिया खौसेथि जानो हायाब्ला नौनि आनि थांखिया फेलें जागोन, बर' हारिया खौसेथि जायोब्ला हारिया अरायबो जौगाखोंगोन।

मिस बिरबाना बसुमतारि
गौरां गोजू फरायसालि
गामि- लाउरिफारा (थिनाली)।

संसारनि लामाया गोथों नडा

मिथिगानि बिखाया बेसेबां समयना दानो गोजा दानो गोमो, दानो गोसोम बाइदि गाबनि महर लायो। सुबुंनि जीउआवो दानो गाबनाय, दानो मिनिनाय, बेसेबां समयना। संसारनि लामाखौ रावबो सान सनो हाया, बयनिबो खाफाला समान नोंहा मिनि रंजा सोरबाया गाबनाय सोरबा रसा नांदों, गुबुनआ मोनजादों। नोंहा सानसे गावगोन, सानसेआवनो नों मिनि फिनगोन। नोंहा दासो मिनि रंजा, दानो नों मा, जागोन जेबो मिबथिया बेफोर जादों खाफालनि लिरनाय आरो इसोरनि माया गेलेनाय। संसाराव धोनि आरो गरिब मानसि थायो। बेफोर जादों खाफालनि लिरनाय मानसि हारिआ गावजों गाव धोनि, गरिबफोरखौ लानानै सानना लायो। गरिबखौ गरिब होनानै सानना दाला धोनिखौ धोनि होनानै दुगा दाजा। बेफोर जादों सानसे साननैनि थाखायल' संसारनि लामायाव सोरबा गावनांदों सोरबा मिनि नांदों, बेखौ रावबो मिथिनो मोना।

मुसि बिरदाव ब्रह्म
ला:सो:- दुमारी गुरी
जिला- कक्राझार बि टि आर

जांखिथाय (सनेट)

गलामि उदांमि मिसायनाय संसार बिसोरो सानैजों लोगोसे बिहारि लामा दावसि बाहा जुध जारिमिन सुलुमा गारजा राहु केतु सुनि केरथ्र मार। बेफोर बादि गिथाव ग्रहनिनो साया खार होनाय राहाया लाइ माथो जाखो ? बेनोथ' मनग्रा उनाव कृष्ण थुखो हरदों सान अखाफोर: चक्र माया सान्थ्र हायै दावहानि थाखाय थैनि मुख्लं अनजिमा जायो गुमुर हाबा हर सान फैसालि जाखं गासिनो माबा सोमावसार गासिनो स्रं बोहैथि दैनि जेननाइ देरहानाइ सोलो थै थांखौ अमबासि सांग्रेमा थै जाहाव फुलिखौ।

-अण
गामि- आइतानिहार
ला:सो:- रौता
जिला- उदालगुरि, बि टि आर

आंनि मुड आदार, नांगौ जायो आंखौ; मुलुगानि गासैबो सुबुड, सुबुंथिनि जिउ खुंनाया। आंखौ मोनजायोबोला जायो, सुबुं हारिनि देहा-मोदोमा थाजिम। आंखौ मोनजायोबोला मोनो, सुबुं हारिनि सोलेरा गोहो-बोलो। खालामनो हागौ आं, सुबुं हारिखौ-आनि-थानि, लोबां थोरबां। फोजेबनो हागौ आं, सुबुं हारिखौ-जिउ गैथि-गोथै महरे स्रं। बानजायथि आं सुबुंथिनि, अराय मुलुगाव थाना थानायनि बान्जायथि आं सुबुंथिनि, अराय मुलुगाव हाबा मावलांनानयनि। आंनि अननायाव दड मुलुगानि गासैबो सुबुड दिने, मिथिगाजों लोगोसे थाना थानानै। आंनि अननायाव दड जेथो संसाराव सुबुड दिने, गुस्थियाव मिनिस्लु महर लानानै। दड आंहा गोथार धोरुम, सुबुंखौ अननाय, मोजां मोनाय। दड आंहा गोथार गुण, सुबुंखौ मुलुगाव फोथाना लखिनाय।

मुसि मिथिसार ब्रह्म
गामि:-बानुगौव
ला:सो:-पुटिमारी

फैमाल मिजिं

मुसि सुदेम नार्जारी

बिलिफां नों आनि रजे, बैसो मुथिनि गिदिनाय स्रानि इयुनिनि बै खोमसि दरसिनि थरसे गोजू नख्रानि नों आनि अलंवार। सिमां फुरिनि नों आनि फायुन दाननि सान्दुजों रानस्रावनाय सोलेरखौ फिसिग्रा नों आनि थरथिसे बोहैनाय गोदै निजोरा। नाथाय थारैनो बेयोदि हर गेजेरनि सिमांनि मोजां मोनलायनायनि भावथिनासो, थारैनो आं लौनो नागिरनाय निजोराया फायुनिनि बारजों सिरिनाय बारजों होथे जानायसो। सायखं बायदि दावद्रोदो गोरों, जोमै बायदि बिलिरनो गोरों सान्दोमोन आं आनि गेरमसा बिफांआव नोंखौनो बासा बोहोयो। नाथाय मुनुष मायानि आरो सोरगिरिनि गेजेराव बेसेदि फाराग दड माथो दिने थफिनाय बिबारनि मिनिनाया सान गोरलैयावनो लहराइ लांबाय ? सान्दोमोन आं दोसे मालायावनो सानैजों गसंनो जुलिनि बै थिलियाव नाथाय खार' खान्दाय बिबारजे सानाव गेवलां गेवथां बारनो हाया ? मिथिया आं जिउआव फेलेंआ बेसे गुवार नोंखौनो हास्थायनाया फैमालनि इन्जुराजे बेसे गुवार आरो बेसे गोलाव।

आंनि दाबुं

धोनखौ लानानै हा-हु मानसि थासारि बे संसाराव धोनखौ मोनबाय थाया। रां खावरीखौलाय मा, सानदों ? दिने दं गाबोननो गैया। मुनुष माया मोनथिनानैबो मानो मोनथिसवा। आय! माखौ लानानै मानसिया सानो गावखौ गेदेर ? मानसिनि जीउआ खालि माया-आय! खालि माया हाबाब! थाम' बिलाइनि दै बादिसो दानो दड दानो गैया। मुनुष-माया मोनथिनानैबो मानो मिथिस' वा! मानो सानस हाया आय, माखौ लानानै देरगानो सानो गावखौ गेदेर ?

मुसि दमासु मोसहारी
बि.बि. गोजू फरायसालि
ला:सो:-बिन्धा खाला
जिला-कक्राझार, बि टि आर

(1 बिलाइनफ्राय)

(1 बिलाइनफ्राय)

(1 बिलाइनफ्राय)

रन्जन दैमारिखौ उदां खालामनो भारत सरकार आरो आसाम सरकारखौ खावलायदों बर'

आफादआ मोनसे रदाब बिबुंसारनि गेजेरजों फोरमायदोंदि, गोजोन गोरोबथानि सागानगिरि रन्जन दैमारिखौ जोबथेसालिनिफ्राय उदां खालामनानै समाजनि गोजोन थासारि सोमजिहोनो थाखाय खावलायो। आफादआ फोरमायबावोदि, बावैसो सिगां खौरं बिजोंफोरग गोसासनाय बायदि रन्जन दैमारिखौ जोबथेसालिनिफ्राय काहिलिपारायवा थानाय 10 नं आसाम पुलिसनि बादायाव सोनानै दोनहेनाया बयखौबो सोमो नाहोंदों। बेनिखायनो रन्जन दैमारिखौ थाबेनो जोबथेसालिनिफ्राय उदां खालामनो थाखाय भारत सरकार आरो आसाम सरकारखौ खावलाय हरो बर थुनलाय आफादआ।

गसाइगाव महकुमानि जुनात फाहामथाय बिफानआव सा 11 नि जायगायाव सासेल'

7 साब सेन्टर फारियै सापखाता, जाखबपुर, बाइरालि, दिंदिडि, तुलसिबिल, कार्तौमारि आरो राजबंसिपारा गुदि फाहामथाय मिरु दं। एरैहाय गसाइगाव सहरनि साखाथियाव 31 नं राजा लामा गुदियाव थांनाय 1984 माइथायाव गाइसनाय रिजनेल इन्सेमिनेसन मावखुलियाबो जोबोद गात्रि थासारियाव दइ। बेराफारसे गसाइगाव बेटेनारि साब डिभिजनआव गासै 55 फिल्ड एसिस्टेन्ट मासि दं। नाथाय बेनि गेजेराव सा 30 मावफारियाफोरल' खामानि मावगासिनो। एरैहाय साब डिभिजनेल बेटेनारि डिस्पेनसारियाव मोन 7 मासि, ब्लक थाखोयाव गोबांथार मासिफोरा लोंदों जानानै दइ। बेराफारसे दैन्लां बोथोरनि समाव बायदि बायदि रोखोमनि बेराम सोमजिनायजों गसाइगाव महकुमानि सिडव गोबांथार जिब-जुनातफोरा थैनो गोनां जायो। बेराफारसे गामियारि राइजो-राजाफोरा न'याव फिनाय गावबा-गावनि जिब-जुनातफोरखौ फाहामथाय होनो सानोब्लाबो मावफारिया आरो फाहामगिरिफोरनि आंखालयाव रेखाथि होनो हाया।

गिबि मन्थिआ पातबाइसिनि श्रीमन्त शंकरदेब थानआव दावबायहैदों

आसामनि सुबुं आरो गोदान जोलैनि थाखाय नागरलंदों। बिथानि जोनोम थावनि बरदबाआव सरकारा मोनसे गिदिर बिथानिखिनि खामानिखो जागायजेन्दों। दिनै पातबाउसिसिम फैनानै थाननि सोमोन्दै सुलु लानायनि खोथाखै फोरमायथिना पातबाउसिनि मोननैबो थानखौ सरैखा आरो समायहोनायनि थांखिजों राज्यो सरकारा मोनसे गिदिर बिथानिखिखौ आखाइयाव लानाय जादों होनानै फोरमायो। दिनैनि बे नायगिदिहेनाय हाबाफारियाव उद्यग आरो फालांगि बिफाननि मन्थि चन्द्रमहन पाटवारी, नरवा सत्रनि सत्राधिकार देवानन्द देबगस्वामी, सुन्दरिदिया सत्रनि सत्राधिकार जगन्नाथ देब अधिकारि, कुमारकुसि सत्रनि सत्राधिकार रत्नकान्त अधिकारि मोनजों लोगोसे गोबां गागि सुबुंफोराबो बाहागो लादोंमोन। बेनि उनाव गिबि मन्थिआ महापुरुष श्री श्री दादर देबआ गायसन्नाय श्री श्री पातबाउसि सत्रखौ नायगिदिहेनानै सिबिनाय बाउहैयो। नायगिदिहेनाय समाव गिबि मन्थिआ सरैखा होजानाय बिजाबजों लोगोसे सम्पदफोरखौ नायगिदिजे। सत्रनि लांगोनायाव गिबि मन्थि शर्माखौ सत्रनि सत्राधिकारजों लोगोसे सत्र सामब्लाय कर्मितिनि बिबानगिरिफोरा बरायनायजों लोगोसे मान बाउवो। बेनि अनगायैबो गिबि मन्थि शर्माखौ सत्रनिफ्राय जनसिरमनि बिमुं होनानै गांसे बिमुंलाइ गथायनानै होयो। सत्रआव नुजाथिनाय सिबियारि-बणबखौ तोंखिनानै गिबि मन्थिआ बुडोदि सामनि जारिमिनारि सत्रआरि हारिमुखौ गोदान जोलैनि थाखाय रेखा होनाया आधिखालनि सरकारनि मोनसे गाहाय थांखि। बिथाड बुंबावोदि महापुरुष श्रीमन्त शंकरदेब, श्रीश्री दामदरदेब, भुन्देबनि मावथिलि पातबाउसिखौ दावगाहोनायजों लोगोसे पातबाउसिनि मोननैबो सत्रखौ मुलुगनि जोसॉसिम लॉनो आरो बिथामोननि सोजंथायखौ सरैखा आरो समायहोनायनि थाखाय राइज्यो सरकारा गोनांथि बायदियै थांखि लागोन। नायगिदिहेनाय समाव गिबि मन्थिआ जिल्ला खुंथायखौ सत्रनि हानि फोरमायथिखौ थिसनो थाखायबो बिथोन होयो। दिनैनि नायगिदिहेनाय समाव गिबि मन्थिजों लोगोसे उद्यग आरो फालांगि मन्थि चन्द्रमहन पाटवारी, श्रीश्री पातबाउसि सत्रनि सत्राधिकार भास्करज्यति गस्वामीजों लोगोसे गोबां गागि सुबुंफोराबो बाहागो लादोंमोन।

लाभलिना बरगहाइनि थाखाय दुलाराय बर' फरायसा आफादनि कार्बि आंलंआव आलारि बाथि फोजोंनानै आर'ज खालामदों

बादायलायनायाव देरहासाद जानो हानानै फाइनालसिम जायगा आवग्रिनो हायो लोगोसे फाइनाल बादायलायनायावबो देरहानानै जाहाथे सना मेडेल देरहाना आसामजों लोगोसे दुलाराय हादतनि गोमगानाय लाबोनो हायो बेनि थाखाय दिनै दुलाराय आसाम नाडैनो आलारि बाथि फोजोंनानै इसोरनि खाथियाव आर'ज खालामो। बेबायदिनो दुलाराय बर' फरायसा आफादआबो मंगलबारखालि मोनाबिलि समाव कार्बि आंलं जिल्लानि सिडव थानाय लांहिन दख'रा दुलाराय बर' फरायसा आफादनि मावखुलियाव लाभलिना बरगहाइनि थाखाय आलारि बाथि फोजोंनानै आर'ज खालामनायनि मोनसे हाबाफारि बान्जायदों। बे हाबाफाराय बाहागो लानानै हाबाफारि बायदियै आलारि बाथि फोजोंजेनो दुलाराय बर' फरायसा आफादनि आफादगिरि दिपेन बर'आ। लोगोसे हाबाफारियाव बाहागो लाबावनाय दुलाराय बर' फरायसा आफादनि बोसोनगिरि खुंक्रा सर्गियारि, गाहाय नेहाथारि कनिन्द्र बसुमतारि, लोगो आफादगिरि खोरोमदाव औंवारि, रोमदोन बसुमतारि, लोगो गाहाय नेहाथारि कास्तम बसुमतारिजों लोगोसे मिरु दुलाराय बर' फरायसा आफाद, कार्बि आंलं जिल्ला आरो लांहिन दख'रा दुलाराय बर' फरायसा आफादनि गासै बिबानगिरिफोरबो आलारि बाथि फोजोडे। मख'बावनाय जायोदि, दिनै कक्राझारनि बागानसालियाव थानाय मिरु एबसुनि गाहाय मावखुलि बड'फव हाउसआवबो बे एखे थांखि आरो आयदाखौ लानानै आलारि बाथि फोजोंनाय आरो आर'ज गाबनाय हाबाफारिखौ खुंफुनाय जादों। मिरु एबसुनि अनगायैबो दिनै गुबुन गुबुन जिल्ला आरो दख'रा एबसुनि मावखुलिफोरवबो दिनैनि बे हाबाफारिखौ बान्जायनाय नुनो मोन्दों।

रन्जन दैमारिखौ जोबथेसालिनिफ्राय उदां खालामनो बारग' एन डि एफ बि दैदेनगिरिफोरनि दाबि

अनलायनानै थानायखौ हास्थायदों। बेनि लेखायै बारग' एन डि एफ बिनि गायसनगिरि आफादगिरि रन्जन दैमारिखौबो जोबथेसालिनिफ्राय उदां जानायखौ साफ्रोमबो बर' माहारिया दिनैनि सानयाव हास्थायदों। बेराफारसे बारग' एन डि एफ बिनि दैदेनगिरि आरो सोद्रोमाफोरबो बि टि आर गोरोबथानि गेजेरजों रन्जन दैमारिआ जोबथेसालिनिफ्राय उदां जागोननि मिजिथिदोंमोनब्लाबो नाथाय दिनैसिम उदां जानो हायैयाव सरकारनिमिम दुखु फोरमायदों। दासान्दि बारग' एन डि एफ बि दैदेनगिरि आरो सोद्रोमाफोरा रन्जन दैमारिखौ जोबथेसालिनिफ्राय उदां खालामनांगौनि थाखाय दाब-दाब जायगाफोरव खुद्रिखानाय आरो सोमावसारनायखौबो नुनो मोन्दों। दिनैबो कक्राझारनि पि डब्लिउ डि आलासि नब्लाडव मोनसे खौरंगिरि मेल खुंनयनि गेजेरजों बारग' एन डि एफ बि आफादनि दैदेनगिरि आरो सोद्रोमाफोरा खौसेयै थुबुर जानानै रन्जन दैमारिखौ थाबेनो हगारनांगौनि थाखाय आसाम सरकार आरो भारत सरकारखौ खावलायदों। लोगोसे रन्जन दैमारिखौ थांनाय 22 जुलाइनिफ्रायनो गुवाहाटीनि मिरु जोबथेसालिनिफ्राय बोथ्रोदनानै गुवाहाटीनि काहिलिपारायवा थानाय 10 थि एपिबिएन बादायाव दोनफैनाय आयदाखौ लानानैबो दुखु फोरमायदों। जोबथेसालिनिफ्राय गुबुन जायगायाव दोनहेनायनि जाहोना मा जानो हागौ बेनि सायावबो सरकारनिफ्राय खेंफोरथि होनो दाबि खालामदों बारग' एन डि एफ बि सोद्रोमाफोरा। जुदि गुरैयै खावलायनायनि गेजेरजों आसाम सरकार आरो भारत सरकार रन्जन दैमारिखौ जोबथेसालिनिफ्राय आयेनारि खान्थिनि गेजेरजों उदां खालामनायनि राहाखौ लायाब्ला फैगौ समाव बारग' एन डि एफ बिनि सोद्रोमाफोरा जिरायनानै थानाय नइ। गोनांथि जायोब्ला गनत्रान्थिक लामाजों सोमावसारनायनि राहा लागोन होनानै होनानैबो आसाम सरकार आरो भारत सरकारनिमिम खौरंगिरि मेलनि गेजेरजों सांग्रांथि होयो बारग' एन डि एफ बि (आर)नि गाहाय नेहाथारि आबियम बसुमतारि अरफे बि अन्जालुआ।

आसामखौ दावदै दिहुन्थायनि बिथिडाव गाव गसंथानो हानाय खालामनो भारतारि स्टेट बैंक

फोरमानलाइ होयो। बेनि गेजेरजों आबादारिफोरा दावदै दिहुन्थायनि थाखाय भारतारि स्टेट बैंकनिफ्राय 1 लाख 5 दोब रॉनि ल'न महरै मोननो हानायजों लोगोसे एस जि बि अर्गेनिक फार्मनिफ्राय दाव, भैक्सिन, आदार बायदि गुबुन गुबुन रोखोमनि हेफाजाबफोरखौ मोननो हागोन।

बे हाबाफारियाव गाहाय आलासि महरै भारतारि स्टेट बैंकनि सा-सान्जानि गाहाय सामलायगिरि सुरन्जना दत्तआ आबादारिफोरनि थाखाय भारतारि स्टेट बैंकआ गुबुन गुबुन बिथानि नाजावनायफोरनि सायाव फोरमायथिनानै होयो। बे हाबाफारियाव माजबात बियाबनि एम एल ए चरन बर'आ बाहागो लानानै भारतारि स्टेट बैंक आरो एस जि बि अर्गेनिक फार्मखौ बाखायो। भारतारि स्टेट बैंकनि तेजपुर दखरा मावख'नि लोगो सामलायगिरि सन्जिब देब, माजबात फरायसालिमानि गोरायुं डू प्रदिप कुमार शर्मा मोनखौ लाफानानै एस जि बि अर्गेनिक फार्म आरो बरलुइत थांखि गोबां क-अपारेटिभ ससाइटिनि गोबां बिबानगिरिफोराबो बाहागो लादोंमोन।

जाख्ल 'नायनि अजद होनायखौ नेवसिदों भतगाव भिसिडिसिनि मासिगिरिया

आलिआ गावनि सायाव राइजो-राजाफोरनि जाख्ल'नायनि अजद होनायनि सायाव खेंफोरथि होफिन्दों। दिनै बिथानं जाब्बार आलिआ खौरं बिजोंनि गेजेरजों फिनजाथाय होदोंदि, गावनि सायाव माखासे हिंसा गोनां सुबुंफोरा जाख्ल'नायनि अजद होनाया आबुडै नंखाय। बेरेखा हान्जानि माखासे सुबुंफोरसो गात्रि मुं बांसावनो थाखाय जाख्ल'नायनि अजद लाबोदों।

बिथाड बुंबावोदि, कंग्रेस आरो ए आइ इउ डि एफ दोलोनि माखासे सोद्रोमाफोरा सोलिफु बि टि आर सरकारखौ गात्रि मुं बांसावनो थाखायसो बे अजदखौ लाबोदों। बिथाड फोरमायबावोदि, सरकारनि बिथोन आरो नेमखाथि बायदियैसो बि पि एल नख'रनि मोननो हाथाव मुलाम्फायारिफोरनो पि एम ए वाइ-ग्रामिन न'खो होनाय जादों आरो लामा लुफुंथायखौ आबुडै लुफुंनाय जादों। आनि सायाव आरो भि सि डि सिनि सोद्रोमाफोरनि सायाव जाख्ल'नायनि अजद होनाया आबुडै नंखाय। सरकारि बिथानिखौ मावफुंनायनि थाखाय राउनिफ्रायबो रं गुस लायाखै आरो बिनायबो जायाखै। एरैहाय जायगानि सासे समाज सिबियारि मिनारा बेगमआबो भतगाव भि सि डि सिनि मासिगिरि जाब्बार आलि आरो जि आर एसनि सायाव जाख्ल'नायनि अजद होनायखौ नंखाय होनानै फोरमायथिदों।

लाभलिना बरगहाइनि थाखाय कक्राझारआव गुबुन गुबुन धोरोमारि हान्जाफोरनि आर'ज

लानानै गावबा गावनि धोरोमारि नेमखान्थि बायदियै लाभलिना बरगहाइनि थाखाय आर'ज खालामो। हाबाफारि बायदियै फुंबिलि 11.00 रिगायाव बे हाबाफारिजोंनो लोब्बा लाखिनानै थांनाय 26 जुलाइखालि आसाम-मिज'राम सिमा जेंना आयदाखौ लानानै लाइलपुराव सोमजिनाय दाड-बाजि जाथायाव मुंखं जानाय आसाम पुलिस सान्थिफोरखौ गोसोखानानै मान बाउवो आरो बिथामोननि गोजेन जिउमानि थाखाय अबंलाउरिनिमिम आर'ज गाबो। बि टि आरनि गेलेमु बिफाननि मावफुं सोद्रोमा दावबायसा बर'आ हाबाफारियाव बाहागो लानानै मुंखंफोरनो मान बाउजेनखानायनि उनाव दिनैनि बे आर'ज गाबनाय हाबाफारिखौ फुजा खालामनायनि गेजेरजों बेखेवनानै होयो।

दिनैनि बे आर'ज गाबनाय हाबाफारियाव माननि आलासि महरै बि टि आर गेलेमु बिफाननि गाहाय बिफानारि जजनाबति बसुमतारि, कक्राझार एस पि प्रतिक बि तुबेमोनजों लोगोसे गेलेमु बिफाननि गोजौ थाखोनि बिबानगिरिफोरबो बाहागो लाफादोंमोन।

बासुगावआव गान्जाजों लोगोसे साथाम सुबुंखौ हमदों

किल'ग्राम गान्जा बोखांनो हानायजों लोगोसे साथाम सुबुंफोरखौ हमनो हायो। मिबथिनो मोन्नाय बादिब्ला मोनसे संगालि सुलुनि बिथायाव सिग्रोमनानै 1.5 किल'ग्राम गान्जा बोखांनो हानायजों लोगोसे बे फालांगिजों लोब्बा थानाय रनु सुत्रधर आरो गान्जा बायनो फैनाय प्रदिप दास आरो स्वपन देबनाथ मुनि गुबुन सानै सुबुंफोरखौ पुलिसआ हमनानै पुलिस थानायाव लानानै थाडे। ओन्सोलनि राइजो-राजाफोरा अजद होनाय बादिब्ला रनु सुत्रधर मुनि गान्जा फालांगिरिया ओन्सोलाव गोलाव समनिफ्रायनो आयेन बेरेखायै फेग्रा मुवा-बेसादफोरनि फालांगि खालामबोदोंमोन। उनाव दिनै पुलिसनि सिग्रोमनाय हाबाफारियाव खमैबो 1.5 किल'ग्राम गान्जाफोरखौ बोखांनो हायो। मिबथिनो मोन्नाय बादिब्ला रनु सुत्रधरआ थांनाय समफोराव रेलआव मुवा-बेसाद फानानै नख'र खांबोदोंमोन नाथाय माखासे बोसोर सिगाडव मोनसे रेलनि जाब्रबथायाव आखाय थायसे आरो आर्थि थायसे खोमानानायनि उन्ननिफ्रायनो बे फेग्रा मुवा-बेसादनि फालांगिजों लोब्बा थाबोदोंमोन।

बेलगुरि इउनिट एबसुनि बान्जायनायाव लाइमोनफोरनि जिउ राहा दानायनि थुलुंगा

हाबाफारियाव जरखायै फरायसाफोरनि इयुनखौ नोजोर होनानै सोलंथाय लानायनि गेजेरजों इयुनयाव माब्रै सासे जाफुंसार सुबुं आरो फुंखा सुबुं महरै जाहैनो हागोन लोगोसे गावबा-गावनि जिउ दानायनि बेलायाव सोलंथाय लानायनि गेजेरजों गावखौ फसंथानो हागोन बेनि फारसे थुलुंगाखोंहोनायनि सायाव फरायसाफोरखौ लानानै सांग्रांथियारि एबा केरियार काउन्सिलिंखौ लानाय जादों। लोगोसे बे हाबाफारियावनो दिथागिरि एबा बिमा-बिफाफोर गाव-गावनि गथ'फोरखौ सोलंथाय होनाय बिथिडव मा बायदि सांग्रांथि आरो हेफाजाब खालामनांगौ बेखौ लानानैबो गुवारै सावरयनाय थांनाय संदानग्रा हान्जाया बे ओन्सोलाव मोनसे केम्पखौ नुयो। बेनि उनाव बिबुंंगोरा शिबराम नाज्जारि, कक्राझार जिल्ला गुदि फोरोंगिरि गोथुमनि आफादगिरि जयन्त दैमारिआ बुंथिगिरि महरै लोगोसे गुरुदेब कालिचरण ब्रह्म आइ टि आइनि बिबुंंगोरा सुर्जकान्त दैमारिआ माननि आलासि महरै बाहागो लाफैनानै फरायसाफोर आरो दिथागिरिफोरनि गेजेराव गुवारै बिबुंथि लाखिनयनि गेजेरजों थुलुंगाखां बोसोन होयो।

चिरांआव गं 4 हाथियारजों लोगोसे सा 2 आयेन बेरेखा फलानफोरखौ हमदों

चिरां जिल्ला हाग्रा बिबानगिरि ब्रह्मानन्द पातिरिआ फोरमायनाय बादिब्ला मोनसे संगालि सुलुनि बिथायाव दिनै फुनि 5 रिगानिफ्राय जिल्लानि भारत-भुटान सिमनानि 182 नं पिलारनि श्रीलंका मुनि हाग्रा ओन्सोलाव मोनसे संदानाय हाबाफारि लायो। जिल्ला हाग्रा बिबानगिरि ब्रह्मानन्द पातिरिनि दैदेनायाव थांनाय संदानग्रा हान्जाया बे ओन्सोलाव मोनसे केम्पखौ नुयो। बेनि उनाव संदानग्रा हान्जाया बे केम्पआव हराव जिरायनानै सिकार खालामग्रा सानै फलानफोर फारियै - चिरां जिल्लानि बिजनी थानानि सिडव थानाय 1 नं दाराडनि बन्दा गयारीनि फिसाज्ला गेलेन्दा गयारी एबा बिजय (42) आरो गदां बसुमतारिनि फिसाज्ला सुक्लेस्वर बसुमतारि (19) खौ हमनो हायो।

उनाव हाग्रा बिफाननि हान्जाया आयेन बेरेखा फलाननिफ्राय गं 4 आखाइजों बानायनाय हाथियारजों लोगोसे माथाम खासेवफोरखौ बोखांनो हायो। आयेन बेरेखा फलानफोरनि हंथायै हाग्रा आयेननि सिडव गोखों राहा लानाय जागोन होनानै हाग्रा बिबानगिरिआ फोरमायो।

श्रिरामपुरआव गोबां बिबांनि गान्जाजों लोगोसे सानै सुबुंखौ पुलिसआ हमदों

पुलिस थानानि बिबानगिरि पल लालहिमसांनि दैदेनायाव पुलिसनि मोनसे हान्जाया श्रीरामपुर 31 नं माहारियारि राजा लामायाव पि बि 08 डि एस 6178 नम्बरनि गंसे कन्टेइनर ट्राकखौ लाखिनानै सिग्रोमनाय हाबाफारि लायो। सिग्रोमनाय समाव ट्राक सालायगिरिआ ट्राकखौ नागरनानै खारखुमालाडोब्लाबो ट्राकनि लोगो सालायगिरि होनानै सिनायथि होनाय सोनाब बंगनि हुगली जिल्लानि तापस अधिकारि आरो प्रिपम सिंहखौ हमनो हायो। सिग्रोमनाय हाबाफारिनि गेजेरजों गासै 61 पकेटनि 622 किल'ग्राम गान्जाफोरखौ बोखांनो हायो।

पुलिसआ नायबिजिरनायाव बोखांनो हानाय गान्जाखौ गुवाहाटीनिफ्राय कलकातासिम लानो नाजादोंमोन होनानै फोरमायथिदोंब्लाबो हमजानाय सानै सुबुंफोरखौ सांथि खालामनायनि उनाव गोबां बाथ्र मिबथिबावगोन होनानै पुलिसआ फोरमायो। बोखांनो हानाय गान्जानि बेसेना गोसोम हाथायाव से कौटिनिबो बांसिन जागोन होनानै फोरमायो। मख'नो गोनांदि गोबां बिबांनि गान्जा हमनो हानायाव सोलिफु बोसोरनि गेजेराव बेयो थामथि खेब जाफुंसारनो हानाय हाबाफारि होनानै कक्राझार जिल्ला पुलिस बिबानगिरिया फोरमायो।

हाग्रा आयेन-2006 खौ लानानै 10 आगष्ट' खालि सिरुडआव आरो 12 आगष्ट'खालि राजाखानाआव राइजोयारि मेल

न'मायाव ट्राइबेल संघनि जनाइ जिल्ला कमिटि आरो खौसेथि बर' सुबुं आफादनि धेमाजि जिल्ला कमिटिआ सावरायज्यायो। जनाइ जिल्ला ट्राइबेल संघनि गाहाय नेहाथारि पयोश्वर दले, खौसेथि बर' सुबुं आफादनि आफादगिरि मनरन्जन बसुमतारि, धेमाजि जिल्ला कमिटिनि आफादगिरि रातिराम बसुमतारि, गाहाय नेहाथारि दिपांकर नाज्जारी आरो सन'वाल कसारी जातिथ परिषदनि फोरमायथि आरो फोसावथाय नेहाथारि तुलन सन'वाल मोननि नुजाथिनायाव खुंफुनाय सावराय मेलाव एडिसनेल जिल्ला बेंगिरिआ सरकारा दाफामनो लानाय हाग्रा आयेन-2006 नि सिडव थागिबि सुबुंफोरनो हानि पाट्टा होनायनि राहाफारि लादों होनानै फोरमायनानै बे बिथिडव राइजो-राजाखौ सांग्रांथियारि सोर्जिनो थाखाय ट्राइबेल फसंथान, आफादफोरा गोनांथार बिफाव लानो नांगोन होनानै बुडे।

बेनि थाखाय फैगौ 10 आगस्टखालि जनाइनि साखाथियाव थानाय पवा हाग्रा ओन्सोलनि मिरुआव आरो 12 आगस्टखालि राजाखानानि 3 नं रायां मिलनज्यति गोजौ फरायसालिआव राइजोयारि मेल खुंफुनायनि थांखि लादों। बे मेलाव धेमाजि जिल्लानि एडिसनेल जिल्ला बेंगिरि उतपल दले, एम ए सि, आसामनि ट्राइबेल आफादफोरनि क-अर्डिनेटि कमिटिनि जनाइ जिल्ला ट्राइबेल संघ, इउ बि पि अ, टि एम पि के, एबसु बायदि ट्राइबेल आफादफोरनि बिबानगिरिफोरा बाहागो लागोन।

मुसलपुरआव मुलुगनां आहार दौनाय सान फालिदों

मुसलपुर, 3 आगस्ट: राइज्योनि दाब दाब जिल्लाफोरजों लोगोसे बाक्सा जिल्लानि सदर मुसलपुरआवबो 1 आगस्टनिफ्राय फैगौ 7 आगस्टसिम खुंफुनो गोनां मुलुगनां आहार दौनाय सानखौ दिनै बाक्सा जिल्ला देहा बिफाननि बान्जायनायाव जिल्ला मिरु सावराय न'मायाव खुंफुलानाय जायो। बाक्सा जिल्ला देहा बिफाननि बिबानगिरि मबिदुर रहमाननि आफादगिरि मासि सामलायनायाव मोनसे सांग्रांथियारि मेल खुंफुलाडे। माहारियारि देहा मिसननि बाक्सा जिल्लानि बिबानगिरि मबिदुर रहमानआ गथ'साफोरखौ जोनोमनिफ्रायनो 6 दानसिम बिमानि आहार दैनो खावलायहरो। बिथाड बुडोदि, बिमानि आहारा जादों गथ'सानि साबंसिन आदार। जोनोमनिफ्राय 6 दानसिम गुबुन जेबो रोखोमनि आदारखौ गथ'साफोरनो दौनो नाड। बेनि थाखाय साफ्रोमबो बिमाया सांग्रां जानो नांगोन। बे हाबाफारियाव



बाहागो लानाय आशा मावफारियाफोरखौ आहार दौनायनि सोमोन्दै सांग्रांथि सोर्जिनोबो जिल्ला देहा बिबानगिरिया खावलायहरो। मेलाव सरकारि नडै फसंथान पिरामल फाउन्डेसननि आफादगिरि रेजिना बेगमआ नुजाथिनानै बिबुंथि लाखियो। बिबुंथियाव रेजिना बेगमआ गथ'साखौ बिमाया माबोरै आहार दौनो नांगो बेनि सोमोन्दै गुवारै फोरमायथिनानै होयो। लोगोसे आहार दौनायनि जाउनाव बिमाजों लोगोसे गथ'साया माबोरै मुलाफ्फ

मोननो हायो बेनि सोमोन्दैबो बाहागो लानाय आशा मावफारिया आरो सुपार भाइजार फोरनि सिगाडव फोरमायथिनानै होयो। रेजिना बेगमआ बे आयदनि सायाव गोबोंआव गथ'गोनां आइजोफोरखौ फोरमायथिनानै मोनसे सांग्रांथि लाबोनो मेलाव बाहागो लानाय गासैखौबो खावलायहरो। मेलाव माहारियारि देहा मिसननि बाक्सा जिल्लानि डि पि एम करुना ब्रह्म, डि सि एम रफिक आहमेदनि अनगायैबो गोबां आशा मावफारिया आरो सुपारभाइजारफोरा बाहागो लादोंमोन।

अर्जुन कापुरआ बिफाजों मोजां सोमोन्दो फैफिन्नायाव जान्हबी आरो खुशीनि आखाय दड

मुम्बाइ, 3 आगस्ट: अर्जुन कापुरआ गावनि बिफा बनी कापुरजों गावनि सोमोन्दोनि सायाव फोरमायदों। बियो बुंदों, जुदि जान्हबी आरो खुशीजों गावनि सोमोन्दोआ मोजाडव फैयामोनब्ला जानो हागो गाव गावनि बिफाजों बेबादि बन्डिआव फैनाय नडामोन। जान्हबी आरो खुशीजों गावनि सोमोन्दोआ मोजाडव एबा बेबादि बन्डि जायामोनब्ला गोबां बाश्वाफोरा गावनि गोसोआव थाबाय थागोमोन। बनी कापुरनि जुलिया सिगाडव मना शौरीजों जादोंमोन। नखरु संसार गोनांखा बनीआ उनाव श्रीदेविखौ गोसो थोयो आरो जुलि लायो। जानो हागो बेनि जाउनावनो अर्जुनआ बिफाखौ मोजां मोनामोन। हरपारस बाजार इन्डियानो होनाय मोनसे



इन्टरभडआव अर्जुन कापुरआ बुंदों, जेसेबां गाव बिफाजों थानो लुबैदोंमोन एसेबां थायाखै। गावखौ बिफा बादि होन्नानै सुबुंफोरा बुडो, नाथाय गाव बेबादि मोन्दाड। जान्हबी आरो खुशीजों मोजाडै गोरोबनो हानायनि उनाव बिसोरजों मोजां सोमोन्दो लाखिनो हानाय जादों।

गावसोर गाव-गावनि गोसोआव थानाय गिनायजों मोगा-मोगि जादों। अर्जुन कापुरआ बिनानाव सानैनि थाखायनो गाव-गावनि

बिफाखौ बांसिन अनो हानाय जादों होन्नानै फोरमायो। आथिखालाव बियो बुजिनो हाबायदि, बिफा बनीआ श्री

देबिखौ मानो गोसोथोयामोन। फिल्म कम्पेनियनजों सावरायनायाव अर्जुनआ बुंदोंमोनदि, सोरबा सुबुड सोरबा सासेखौ गोसो थोयोमोन आरो बेनि उनावबो गुबुन सोरखौबाबो गोसो थोनो हागो। बेखौ बुजिनो हानाय जानांगो। गाव बेखौ मिथियादि, गावनि बिफाया बै समाव जायखौ मावदोंमोन बेयो थारमोन ना थार नडामोन। मानोना सासे उन्दै गथ' जानानै गाव बेनि फिथाइखौ भुगिनादों, नाथाय आथिखालाव गाव बुजिनो गोरों जानानै बेखौ बुजिनो हाबाय।

गणपत सावथुननि थाखाय गुडबय सावथुननि शुटिआ उन जालांबाय

गोदान दिल्ली, 3 आगस्ट: कुइन आरो सुपार 30 सावथुननि मुंदांखा बिकाश बहलआ गावनि केरियारनि बयनिखुडबो बेसेन गोसासिन सावथुन गणपतखौ बानायनो नागिरदों। बेयो आथिखालनिफ्राय लानानै 69 बोसोरनि उननि 2090 नि सेट जागोन। बै समाव मुम्बाइ आरो गुबुन मुलुगनि महर एबा थासारिआ मा बादि जागोन, बेनि इडैआ आबुं खालामजाखांबाय। बै खामानिखौ मावबाय थानाय प्रडाक्सन डिजाइनर अमित रेया बेखौ फोरमायदों। अमितआ बुंदों, गावसोर मोनथाम रोखोमनि सहर क्रिएट खालामदों। बेफोरनि मोनसेआ जादों जाय जोबोद निखावरिफोर थायो, जेरै धारबीनि ड्युगो झपडी। बैयाव दाय दड आरो रोखा आइन बेबस्था गेया। माखासे एरैबादि नोगोर, जेरै जकार सावथुनआव दिन्थिनय गथम सिटी। बेयो हमदानानै लानाय एबा सानबोलावरि नोगोरमोन। नाथाय नंगुबै खाथि सोमोन्दो गोनांमोन। नैथिया जादों, भीमताल, जाय गेजेर थाखोनि सुबुंफोरजों सोमोन्दो दड। थामथि थाखोनि नोगोरनि मुड सिल्लार सिटी। बैयाव खालि धोनि सुबुंफोरगल' थायो। जेरै सिंगारपुर, लन्डन, निउयर्कनि

सहरफोरार ग्लासनि न' बिल्डिफोर, सावथुनआव जाय लाइटी मुलुग जागोन, बेयो बै सहरफोरनि आपग्रेडेट भार्जन जागोन। बै सावथुनआव दावरव-दावसिआ गाहायै धोनि आरो निखावरिफोरनि गेजेरव जागोन। गणपत सावथुननि शेड्युलआ सेप्टेम्बरनिफ्राय डिसेम्बरसिमआव आबुं जागोन। बेनि उनाव बिकाश बहलआ गुड बय सावथुनखौ जागायनो हागोन। सुलुनि बादिब्ला, सावथुननि ऋषिकेशनि शेडिउलआ आद्रा दंबावो। बेयाव अमिताभ बच्चन, रश्मिका मन्दाना आरो गुबुन फावगिरिफोरा शुट खालामहैगोन। बै सावथुनआव नीना गुप्तानि केनियबो दड। बै सावथुनआव अमिताभनि आखुआनो गाहाय। बिनि फिसाजो महरै रश्मिका मन्दानाया फाव खालामगोन आरो बिनि सानै फिसाजोआव अस्ट्रेलियाआव थायो। बिकाश बहलनि बै सावथुनआ सासे बिफानि सायाव बिथा कालामनाय, जेराव अमिताभनि फावआ सासे आजरि मोनाय अफिसारनि जागोन। बिहा अन्जालि बिसि संसारि जाखानाय जागोन आरो फिसाफोराबो मुम्बाइ, अस्ट्रेलियाआव गावबा-गावनि केरियार

दानायव मुखुब जागोन। अमिताभआ मा बादियै गंसे नख 'खौ फिन गोरोबलायनिफ्राय होयो बेनि सायावनो बै गुड बय सावथुनआ बानायजानाय।

बिफा सन्जय दत्तजों फिसाजो त्रिशाला दत्तआ ग्लेमार्स फट' शेयार खालामदों



गोदान दिल्ली, 3 आगस्ट: त्रिशाला दत्तआ ससेल मिडियाआव गावनि समायना फट'फोरजों गोबां सोमजिहोबाय थायो। आथिखालाव बियो हवाइआव छुत्त फालिदों आरो बे रंजाथायनि फट'फोरखौ बियो गावनि इनस्टग्रामआव शेयार खालामदों। मंगलबारखालि फुडव त्रिशालाया गावनि मोनसेबाव ग्लेमार्स फट' शेयार खालामदों, जायखौ बिनि फेन्सफोर जोबोद मोजां मोन्दों। बै फट'आव बिखौ मन फिनीआव नुनो मोनाय जादों। लैथो सेराव जिगयनानै लानाय बै फट'आव बिखौ जोबोद समायना नुदों। मख'जाथावदि, त्रिशालाया सन्जय दत्तनि बिसि गिवि ऋचा शर्मानि फिसाजो। सन्जयआ ऋचाखौ 1987 आव निउयर्कआव जुलि लादोंमोन, नाथाय 2 बोसोरनि उनावबो बियो ब्रेन टिडमारजों भुगिनादोंमोन। उनाव 10 डिसेम्बर 1996 आव ऋचाया रंसारि जायो। आथिखालाव सन्जय दत्तआ गावनि बिसि गदाय मान्यता दत्त आरो सानै फिसाफोरजों लोगोसे मुम्बाइयाव थायो। नाथाय सन्जयनि फिसाजो त्रिशालाया गावनि बिमानि बिबै-बिबैजों आमेरिकायाव थायो। त्रिशालाया गावनि बिफाजों थायाब्लाबो आरो थाब थाब लोगो हमलायबाय थायाब्लाबो सन्जय दत्तनि बियो आगोमा अन्जालि फिसाजो।

गोदान दिल्ली, 3 आगस्ट: त्रिशाला दत्तआ ससेल मिडियाआव गावनि समायना फट'फोरजों गोबां सोमजिहोबाय थायो। आथिखालाव बियो हवाइआव छुत्त फालिदों आरो बे रंजाथायनि फट'फोरखौ बियो गावनि इनस्टग्रामआव शेयार खालामदों। मंगलबारखालि फुडव त्रिशालाया गावनि मोनसेबाव ग्लेमार्स फट' शेयार खालामदों, जायखौ बिनि फेन्सफोर जोबोद मोजां मोन्दों। बै फट'आव बिखौ मन फिनीआव नुनो मोनाय जादों। लैथो सेराव जिगयनानै लानाय बै फट'आव बिखौ जोबोद समायना नुदों। मख'जाथावदि, त्रिशालाया सन्जय दत्तनि बिसि गिवि ऋचा शर्मानि फिसाजो। सन्जयआ ऋचाखौ 1987 आव निउयर्कआव जुलि लादोंमोन, नाथाय 2 बोसोरनि उनावबो बियो ब्रेन टिडमारजों भुगिनादोंमोन। उनाव 10 डिसेम्बर 1996 आव ऋचाया रंसारि जायो। आथिखालाव सन्जय दत्तआ गावनि बिसि गदाय मान्यता दत्त आरो सानै फिसाफोरजों लोगोसे मुम्बाइयाव थायो। नाथाय सन्जयनि फिसाजो त्रिशालाया गावनि बिमानि बिबै-बिबैजों आमेरिकायाव थायो। त्रिशालाया गावनि बिफाजों थायाब्लाबो आरो थाब थाब लोगो हमलायबाय थायाब्लाबो सन्जय दत्तनि बियो आगोमा अन्जालि फिसाजो।

सेलुननि बाइजोआव रिया चक्रवर्तीया फट' बिडिय सुट खालाम जादों

गोदान दिल्ली, 3 आगस्ट: रंसारि फावखुंगुर सुशान्त सिं राजपुतनि थैनायनि उनाव फावखुंगुरि रिया चक्रवर्तीआ जेब्लाबो खौरांआव थाबाय थादों। थानाय बोसोरनिफ्रायनो रियाआ माबा नड माबा मोनसे जाहोनाव हेडलाइन थादों। बेनि जाहोनाव बियो केमेरनिफ्राय जानगाराव थादोंमोन, नाथाय लासै लासै बियो गावखौ सामलायफिनबाय। बावैसो सिगांआव रियानि माखासे सावगारिफोर भाइरे ल जादोंमोन। बै सावगारि आरो बिडियआव रियाखौ गावनि लोगो रुमि जाफरीनि फिसाजो अल्फियानि मेहन्दी सेलेब्रे सनाव थानाय नुनो



मोन्दोंमोन। बेनि उनाव आथिखालाव रियानि मोनसे बिडियआ सोरांआव फैदों, जाय

ससियेल मिडियाआव गोबां भाइरेल जादों। बै भाइरेल जासोगारनाय क्लपआव

रियाखौ सेलमन गावनि अफ सलडार टप गानाय नुनो मोन्दों। ल' वेस्ट जीन्स आरो

खानाय हगारनायजों बिनि लुकखौ आलादा नुनो मोन्दों। मख'जाथावदि, रियाखौ सेलुननि बायजोआव स्पट खालामनाय जादोंमोन। बेनि उनाव बेनि राइज्योआरि जायगायावनो फट' खेबजायो, बिडिय खालाम जायो। बिडियआव बुंनयबो खोनानो मोन्दोंदि 'मोनसे जायगाखौनो ला।' बै बिडियनि सायाव ससियेल मिडिया इडजारफोरा गोबां रिफेक्सन हरदों। बेनि सिगांआवबो रियाखौ गोसोम गावनि स्कार्ट टपजों मैंग बायनाय नुनो मोन्दोंमोन आरो बेनिनो फट'खौ बियो गावनि इन्स्टग्रामआवबो सेयार खालामदोंमोन।

गाहाम देहानि राहा

बुथ सोमहाबनाय दैया देहानि थाखाय मुलाम्फा गोनां

गाजा बेरनाय बुथआ देहानि थाखाय मुलाम्फा गोनां। बेखौ दैआव सोमनानै फुडव जानांगो। जाय सुबुंफोरा दैआ सोमनाय बुथखौ जानो मोजां मोनआ, बिसोरो बुथआव सोमनाय दैखौ लोंनो हागोन। बुथनि मुलाम्फाखौ गाहायआव फोरमायनाय जाबाय -



(1) सानफ्रामबो फुडव उदै खालिआव बुथ सोमनायनि दैखौ लोंब्ला देहाखौ माखासे बेरामनिफ्राय रैखीथ होनो हागोन आरो खनले-खनले बेराम जानायनि खैफोदआबो खम जायो। बेजों देहानि इमिडनिटिआबो बांगोन। (2) सानफ्रामबो बुथआव सोमनाय दैखौ लोंब्ला ब्लाड सुगारखौ कन्ट्रल खालामनो हागोन, जायनि जाहोनाव डायबिटिस

बेरामिफोरनि थाखायबो बेयो मुलामफा गोनां। (3) गुफुं देहाखौ खम खालामनो गोसो जादोंब्ला सानफ्रामबो बुथआ सोमनाय दैखौ लोंनांगो। बेनि दैखौ लोंब्ला मेंनाय आरो लोरबां मोनायखौ मोन्दांथिआ आरो गोबाव समसिम उदैखौबो बुंनय मोन्दांथियो। (4) बुथआव सोमनाय दैआ खि गोरा खिनायखौ जानगार खालामो आरो उदैखौबो साफायै

लाखियो। बेजों लोगोसेनो गेस आरो हजम जायै जेनाआबो जानगार जायो। (5) बुथआव सोमहाबनाय दैआ स्किनखौ गाहामै लाखिनायाव मदत खालामो। बेयो स्किननि जेनाखौबो जानगार खालामो। बेयो नेचुरेल बिउटिखौबो बांहोयो। (नट : बेखौ बाहायनायनि सिगां डाक्टरनि सुबुरुन लानांगो।)

रश्मि देशाइया नेसनेल एवार्ड मोन्बो हास्थायो

गोदान दिल्ली, 3 आगस्ट: टेलिभिजनआव मुं सोरजिखानायनि उनाव रश्मि देशाइया डिजिटेल मिडिया फार्से आगान बारायदों। बावैसो सिगांआव वेब सिरिज नंदुरजों अटिटिआव डेब्यु खालामनाय रश्मिआ मोनसे मोगा-मोगिआ बुडोदि, गाव नेसनेल एवार्ड मोन्बो हास्थायो आरो बेनि थाखाय गाव नाजागासिनोबो दड। रश्मिया बुदों, जेब्ला अटिटिआव रव' खालामो अब्ला खालि आबुखौल' नड साबजेक्टआबो गोनांथार जायो। डिजिटेल प्रजेक्सनि थाखाय अराय बर्ड अफ माउथआ पाब्लिसिटीनि खामानि मावो, बेनिखायनो सोरखौबा सानै हैयेसो सायख'नांगो। बेयो गावनि थाखाय मोनसे मोजां मोन्दांथिनय जादों। रश्मिया बुंबावोदि सासे फावखुंगुरि महरै



अटिटिखौ एक्सप्लर खालामनो लुबैयोमोन। मानोना गावहा गोबां सिमां दड; जायखौ गाव फुरा खालामनो हास्थायो। गाव मिथियादि नेसनेल एवार्ड मोन्बो थाखाय बेसेबां गोलाव हाथिन्थिबावनांगोन आरो बे हाथिन्थिनाया मा बादि जागोन, नाथाय गाव नाजाबाय थागोन। अदेबानि बेनि थाखाय गाव सिगांनिफ्रायनो सिमां सुजुबेदों। टिथिया मोनसे समायना

नाडो। गावनि गोरोन्थिफोरनिफ्राय बियो सोलोंथाय मोन्दों आरो सिगांनिफ्राय रंग'थि गोनांसिन जादों होना रश्मिया आरोबाव बुंबावोदि, गाव अटिटिनि क्रिएटर महरै जेनाफोरखौ मोन्दांथियाखै। जिउआव मोनसे गोजों थाखोआव सहैनायनि उनाव, जेब्ला गुबुन मिडियाआव थानांगो जायो अब्ला बै एके प्रसेसजोंनो थांफिन नांगो जायो आरो बेफोरो गोबां सुबुंफोरखौ जिंगा सिहोयो। जायखि जाया गोदान खामानिखौ मावनायाव सम लायो, जेराव मिडियाम स्विच खालामनाया दंफायो। गाव सानो सासे फावगिरि जानानै गावखौनो गाव फारियैनो सोलायनांगो जायो। सासे फावगिरिनि जिउआ ग्लेमारासखो दिन्थियो आरो बेयो थारै नो गोरलै नडा। सुबुंफोरा फावगिरिनो अन्नायबो होयो, मुगैयोबो, थुलुंगाबो हायो आरो सिगांआवनो मोगा-मोगि रिफेक्सनबो होयो।

माब्रै बावलांनो ?

(थानाय बिसानिफ्राय) सालाय बिजोंआव बेरखानायसोमोन ? बारसिया नआव हाबहैयो। आं नाथाय बिखो जेबो दुखु जानाय खौनो नुवाखिसै। न' सिनिफ्राय आंखारबोना लायजामनि थपला मोनसे लाबोयो आरो आंखौ बुडो आंखौ बावलांदो अन्नानै नैबे नॉनि हरनाय लायजामखौ लांफिनदों। नों गुबुन अनजाली सायख'ना लादो ? बारसिनो आं बेसेबांबा गोरबोनि दुखुखौ फोरमायसेआवबो बियो आंनि जेबो बाश्वाखौनो खोमा सुवाखिसै। बियो न' सिडव श्रोब हावना थाहैयो। आंनि गोरबो बिखा थेर बेथेर गावफलेजोबो। बिदिनो आं बिस्मानि सिथ्लानिफ्राय मेगनाव मोदै खुगायाव खुदै लाना न' फार्से गिदिबोनाडो। नआव फैना दुखुखौ रुजुनख' हायैयाव आं जौ सरेफ लॉनानै थानाडो। टेबुलाव बिजाबनि अनगा जौ बिलायनि बथल आइ आफाया गोबां बुजायदों खोमा सुवाखे आं रावनिबो खोन्था। मान सनमानखो लाना आंहा जेबो लाजिरोडै जायो। बिदिनो आंनि समायना सिमांफोर जों लोगोसे बारसिनि बिफा जगाखौ बिहावसो, बिदाखौ बिगुमै बिब' रिनाखो बेवायफोर लिंनो सानानै थानाय मिजिफोरखो थेर बेथेर खालामना बिदाय लानाय साननिफ्राय सप्तासेनि उनावनो थांमारनायसै बारसिया गावनि लायमोन बैसोनि देवलेंखौ बस'ना महेसजों अरायनि थाखाय रायजो जानो। नाथाय थालांबाय आंनि बारसिखौ गोरबोजों अन्नाया, गोरबो सिडववो दोहो दोहो जुजायनि अर जाना। गोमोरगोन माब्ला बै अरा। सोरांगोन माब्ला बै आंनि हर गेजेर खोमसि गोसोआ। अराय हास्थायो आं बै फैगौ जेनोमाव बारसिनि अन्नायखौनो मोनफिनदोंसै।

गाहाइ मन्थि निखावरि अन्साय बिथांखिनि गेजेरजों बेसेन नाडै आदार रान्नाय जादों

गोदा दिल्ली, 3 आगस्ट : मुलुगनाडै सन्देरनाय करनानि समाव भारत सरकारआ मुलुगनि बयनिखुइबो बांसिन बेसेन नाडजासे जाग्रा आदार रान्नाय होनाय हाबाफारिखौ थांनाय बोसोरनिफ्रायनो सामलायदों। खैफोदनि समाव हादतनि निखावरि सुबुंफोरनि मदतनि थाखाय सालायनाय गाहाइ मन्थि निखावरि अन्साय आदार बिथांखिखौ माखासे खोलोबआव खनले खनले बांहोनाय जादों, जाहाथे थासारिया सरासन्सा जाजासिम जायखि-जाया सुबुख उखैनांनाने थानाडा। बे बिथांखिखौ आधिखालाव दीपावलीसिम सोलि होनाय जागोन। बे बिथांखिखौ गाहाय मन्थि मदिनि सामलायनायाव 23 जुन 2021 नि जथुमाव लानाय जादों। एनएफएसएनि गेजेरजों हादतनि 80 कौटि रेसन कार्ड गोनांफोरनो 5 कि:ग्रा: बेसेन



हिमाचल प्रदेशआव आगस्ट दानाव सरासन्सानिखुइ एसेल'सिन अखा हागोन। कर्नाटक, तामिलनाडु, तेलंगाना, अन्ध प्रदेशनि रायतसिमा ओन्सोल, कंकन आरो गवा, मध्य प्रदेश, खोला गुजरात, सा-सान्जा राइज्योफोर आरो बिहारआव बे दाननि गेजेरव सरासन्सानिखुइ बांसिन अखा हानो हागौ। आगस्टनिफ्राय

सेप्टेम्बर 2021 नि गेजेरव गासै हादतआव अखा हानाया सरासन्सायै थागोन। मख'नो गोनांदि, आइएमडिआ खोला-सोनाब मौसुमिनि सायाव आगस्ट-सेप्टेम्बर दाननि थाखाय सिगांगो हमदांना लानाय बोथोरखौ फोसावयो, जाय अखा हानायनि 4 दाननि ऋतुनि जोबथा नै दाननि थाखाय जायो। बोथोर सोलायनायनिफ्राय हमदांनो

बोसोरनि नभेम्बरसिमाव बे बिथांखिनि गेजेरजों मिरु सरकारनि जोहै 90 रोजा कौटि रानि जाग्रा आदारखौ निखावरिफोरनो रान्नाय होनाय जादोंमोन।

आगस्ट-सेप्टेम्बराव गोबां अखा हानो हागौ : आइएमडि

गोदान दिल्ली, 3 आगस्ट : भारतनि बोथोर बिफान (आइएमडि) आ बुंदों, आगस्ट-सेप्टेम्बराव गोबां अखा हानो हागौ। बे दानआवबो अखाया सरासन्सा महरै थागोन। सोनाब मध्य प्रदेश आरो बेजों नांजावनाय राजस्थाननि बाहागो, महाराष्ट्रनि माखासे बाहागो, जम्मु-काश्मीर, लाद्दाख, पान्जाबनि माखासे बाहागो आरो

हायोनि हादतनि सा आरो सान्जा बाहागोनि माखासे ओन्सोलाव सरासन्सानिखुइ एसेल'सिन अखा हानो हागौ। भारतजों नांजावनाय ओन्सोल आरो गेजेर भारतनि माखासे बाहागोआव सरासन्सानिखुइ बांसिन अखा हानो हागौ।

हायोनि हादतनि सा आरो सान्जा बाहागोनि माखासे ओन्सोलाव सरासन्सानिखुइ एसेल'सिन अखा हानो हागौ। भारतजों नांजावनाय ओन्सोल आरो गेजेर भारतनि माखासे बाहागोआव सरासन्सानिखुइ बांसिन अखा हानो हागौ।

हायोनि हादतनि सा आरो सान्जा बाहागोनि माखासे ओन्सोलाव सरासन्सानिखुइ एसेल'सिन अखा हानो हागौ। भारतजों नांजावनाय ओन्सोल आरो गेजेर भारतनि माखासे बाहागोआव सरासन्सानिखुइ बांसिन अखा हानो हागौ।

जनजातिनि थाखाय आदि प्रशिक्षण पर्तेलखौ लन्स खालामबाय

गोदान दिल्ली, 3 आगस्ट : जनजाति केसनि मावख'ग्रा आदिबासखौ जौगाखां होनो एन्ड-टु-फन्ड सेन्ट्रे लाइज्ड अनलाइन इन्टरेक्टिव सोल्लोथाय जौखां बानायनो थाखाय' आदि प्रशिक्षण पर्तेल' खौ लन्स खालामदों, जायखौ मावख'नि गेजेरजों टिआरआइ, जनजाति फरायसाफोरनि सोल्लोथायनि थाखाय माहारियारि स'साइटि

(एवाइएसटिएस) लाइमोन, आदिबासि हारि एबा गुबुन फसंथाननि सर कारि बिबानगिरिफोर, एसटि पिआर आइ सोड्रोमा, फोरोंगिरिफोर, एसएइचजी आइजोफोरनि गोहोखौ गोखों बानायनो थाखाय बानायदों। पर्तेलनि गाहाय थांखिआ आदिबासि जौगाखांनयनि सायाव मोनसे आबु सेन्ट्रेलाइज्ड

अनलाइन इन्टरेक्टिव ट्रेनिं जौगांख थियारि खालामनाय, जेराव जनजातिथि हौवाफोर आरो आइजोफोरनो खामानि मोनो हानायआ हेफाजाब होगोन। अनलाइन सावरायलायनायजों ट्रेनिं समलायगिरि, जरखाफोर, मास्टारि ट्रेनिं लानाय आरो ट्रेनिं होग्राफोरखौ मोनसे जौसाडव लोगोसैयै लाबोनो हागोन। जायनो जनजाति

हारनि सुबुंफोरनो ट्रेनिंखौ होनाय जागोन। करना जेनानि समाव सोल्लोथाय नेमखान्थिआव बयनिखुइबो बांसिन गोहोम गोग्लैदों, जायजों खामानि मोन्यायनि सायावबो गाञ्चि गोहोम गोग्लैदों। आदि प्रशिक्षण पर्तेल' नि गेजेरजों जनजाति हौवाफोर आरो आइजोफोरनो ट्रेनिं होनाय जागोन।

आमेरिकायाव करनार्जों समान समान सिलाइ फाननो हादों

वाशिंटन, 3 आगस्ट: आमेरिकायाव करना भाइरास गोसारनाय समावबो सिलाइ पान्ना हानाया बांसिन जादों। लोगोसे गाव-गावनि रैखाथिनि थाखाय सिलाइ बायों। लोगोसे मैहुर खालामनायनि थाखायबो सिलाइखौ बायदों। मानोना करनानि समाव सुबुंफोरनाव गोबां सम मोन्दों। थांनाय बोसोरव सिलाइ बायग्राफोरनि 40 जौखोन्दोआ आइजोफोरमोन। बिसोरनि गेजेरव सिंगेल मादार आरो बिबैफोरबो दडा। अदेबानि बे समाव सिलाइनि गुलिफोरनि साप्लाइया गोबां खम जादों। गुलि बायग्राफोरनि बुंनाय बादिब्ला, बिसोरो बांसिनै गुलि दिहुनगासिनो। नाथाय सिलाइनि गुलि फानग्रा गलाफोरव गुलिया खम, बेनि बेसेनआ बांसिन जाबोगासिनो। गुलिफोरनि



साप्लाइया खम जानायनि गोहोमआ नेसनेल ल' एनफसंमेन्ट फायर आर्मस इन्सट्रुक्टर्स एनएसएननियारबो गोग्लैदों। एस'सिएसननि

हाबाफारि बिथोनगिरि जेसन भुस्टेनबार्गआ बुंदों-माखासे सिलाइ गावनो ट्रेनिं होग्राफोरा गावसिनियाव थांनाय गाव-गावनि मुनि रेजिस्ट्रैसनखौ केन्सल

खालामदों। गिफर्डस ल' सेन्टारनि अरी फेइलिचआ बुंदों, करना भाइरासनि समाव सिलाइनि गुलिफोरखौ बुथुमनाय नुनो मोन्याय जादों।

पाठानकटआव सान्थिनि गंसे हेलिकप्टरआ बायग्रबनानै गोग्लैदों

पाठानकट, 3 आगस्ट: पाठानकटनि रमजित सागर डेम (आरएसडि) बिलोआव दिने मंगलबारखालि फुनि 10.50 रिगायाव सान्थिफोरनि ध्रुव एएलएस मार्क-4 हेलिकप्टरआ मोनसे जात्रथायाव गोग्लैनाय क्रेस जादों। हेलिकप्टरआव सानै पाइलटआ दावबायदोंमोन। फुनि 8.30 रिगायाव मामुन केन्टनिफ्राय हेलिकप्टरखौ बिरहोदोंमोन। रैखाथि थासारिनि फसंनोजोर होनाय पाठानकटखौ गोखों सांग्रांथि फोसावबाय। बेबादि जात्रथायनि थासारिखौ नोजोर होनाय आर्मी आरो पुलिसफोरनिम सांग्रांथिनि

थाखाय मिथिहोहरदों। गाहायै भारतनि उदासि साननि थाखाय बेबादि सांग्रांथिखौ लाबोदों। थांनाय माखासे साननि सिगां

बे ओन्सोलावनो सानै सन्देह थांनाय सुबुंखौ नुनो मोन्दों। हेलिकप्टरखौ मंगलबारखालि फुनि 8.30 रिगायाव बिरहोनाय

जादोंमोन आरो रुटिन बादिदै हुदा खालामदोंमोन। फुनि 10.50 रिगायाव जेब्ला रणजित सागर डेम बिलोनि समानै बिरहोना नजायो बे समावनो सामलायनायाव बेलेन्स लाखिनो हायै जायो आरो केस जानानै बिलोआव गोग्लैयो।

संसदआव बेरेखा दोलोआ दावराव-दावसिन खालामनायआव राइज्यो सभानि हाबाफारिखौ 2.00 रिगासिम दोनथ'दों



लकसभाआवबो हाबाफारिआ जागाय जेनब्लानो बेरेखा दोलोआ दावराव-दावसि खालामो आरो 12.00 रिं गसिम हाबाफारिखौ दोन्थ'नाडो। बेनि गेजेरव गाहाय मन्थि नरेन्द्र मदि आरो नख'रारि मन्थि अमित शाहनि बाहागो लानायाव बिजेपि संसदीय दोलोनि जथुमा खुंनय जायो। बेवहाय बिजेपिनि माहारियारि आपादगिरि जेपि नडुआबो बाहागो लादोंमोन। जथुमाआव मदिआ बुंदों,

बेरेखा दोलोआ संसदखौ सोलिहोयाखै। बेयो सुबुंतन्त्र आरो नोगोरारिखौ अपमान खालामनाय। सिगांनि जथुमाआवबो संगालि केसनि सायाव बेरेखा दोलोआ दावराव-दावसि खालामदोंमोन। बेरेखा दोलोनि दैदेनगिरिआ सरकारनाव बे केसनि सायाव सावरायनो दाबि दैखादों, लोगोसेनो बेरेखा दोलोआ करना भाइरास इनफेक्सन आरो आवाद आयेननि आयदानि सायाव मिरुखौ थांखिदों। बेरेखा दोलोआ दावराव-दावसि खालामनायनि जाहोनाव मोनैबो सदनफोर लकसभा आरो राइज्यो सभानि हाबाफारिखौ दोन्थ'नाय जादोंमोन। राइज्यो सभाआव बेरेखा दोलोनि दैदेनगिरि मल्लिकार्जुन खड्गेआ बुंदोंमोनदि, सदननि हाबाफारिआ सोल्लियैनि थाखाय सरकारा दायनिगिरि। सर कारा आ दायसोरखौ

दायनिगिरि खालामनो गोसो जायाखै। पेगासासनि सायाव सावरायब्ला बियो सेलेन्सजों मोगा-मोगि जानांगोन आरो गावनि सम्मानखौ खोमाना लानांगोन। बियो बुंदों, सावरायनो थाखाय थियारि जादों, नाथाय बियो सावराय जानो गोसो जायाखै। हाबाफारि मावनाय समाव टकिय अलिम्पिकआव ब्रन्ज मे डेल देर हानाय पिपि सिन्धुनो मोनै सदनफोराव गहाम हामलायथि बावनाय जादोंमोन। लकसभा स्पिकार अम बिरलाया बुंदों मोनदि, सिन्धुनि बेयो नैथि अलिम्पिक मे डेल। बियो इन्डिबिजुएल इभेन्टआव मोनै अलिम्पिक देरहानाय गिबि भारतीय आइजो। राइज्यो सभानि स्पीकार एम भेंकैया नायडुआ बुंदोंदि, सिन्धुआ मोनै अलिम्पिक मे डेल देर हानाय गिबि भारतीय आइजो जानानै जारिमिन सोरजिदों।

पि एम गरिब कल्याण यजनानि गेजेरजों फ्रिआव जाग्रा आदार रानना होनाय जादों



गोदा दिल्ली, 3 आगस्ट : मुलुगयारि इनफेक्सन करनानि समाव भारत सरकारआ मुलुगनि बयनिखुइबो बांसिन फ्रियाव जाग्रा आदार रान्नाय होनाय हाबाफारिखौ थांनाय 1 बोसोरनिफ्रायनो सामलायदों। खैफोदनि समाव हादतनि निखावरि सुबुंफोरनि मदतनि थाखाय सालायनाय पिएम गरिब कल्याण अन्न यजनाखौ माखासे खोलोबआव खनले खनले बांहोनाय जादों, जाहाथे थासारिया सरासन्सा जाजासिम जायखि जाया सुबुख उखैहावना थाया। बे यजनाखौ आधिखालाव दीपावलीसिम सोलि होनाय जागोन। बे थांखिखौ गाहाय मन्थि मदिनि सामलायनायाव 23 जुन 2021 आव जथुमा खुंनयाव लानाय जादों। एनएफएसएनि गेजेरजों हादतनि 80 कौटि रेसन कार्ड गोनांफोरनो 5 कि:ग्रा: फ्रियाव आटा एबा मायरनि सुबिदाखौ

जगायना होनाय जादों। बेनि अनगायै 1 कि:ग्राम दालिखौबो होनाय जादों। बे यजनानि करनानि गोहोमजों सोल्लोथायनि सायाव खैफोट निउयर्क, 3 आगस्ट : करना खैफोटनि जाहोनाव मुलुगनि 15.60 कौटि गथ'फोरा दासिमबो स्कु लाव थांनो मोनाखै। बिसोरनि गेजेरव 2.5 कौटि गथ'फोरा अराय समनि थाखाय स्कुलाव थांनो मोन्याय नैला। इउएननि गाहाय सेक्रेटारि एन्टनिय गुटेरेसआ बे बाथ्रानि सन्देह खालामनायखौ फोरमायदों। गुटेरेसआ ससियेल मिडियाआव बुंदों करना जेनानि समाव मुलुगआ सोल्लोथाय खैफोदजों मोगा-मोगि जानादों। स्कुलआ बन्द जादों। जों डिजिटेल सोल्लोथायखौ आगय होनांगोन। औरैबादि बेबस्थाखौ जौगाखां होनांगोन, जाय इयुनाव गथफोरनि सोल्लोथाया खामानिआव होयो। एसिया आरो प्रशान्त ओन्सोलनि 50 जौखोन्दो

गेजेरजों भारतआव कभार खालामनाय निखावरि सुबुंफोरखौ नोजोर होयोब्ला आमेरिकानि सुबुंनिफ्राय नै खवसे गुन बांसिन। मोनसे हमदांना लानाय बादिब्ला बे यजनानि सायाव गासै 1 लाख 50 रोजा कौटि राडा खरस जायो। थांनाय बोसोरनि नभेम्बरसिमाव बे यजनानि गेजेरजों मिरु सरकारनि जोहै 90 रोजा कौटि रानि जाग्रा आदारखौ निखावरिफोरनो रान्ना होनाय जाखांबायमोन।

हादतफोराव 200 साननिफ्रायनो स्कुलया बन्द जादों। खोला आमेरिकानि दर 18 हादतफोरावबो फुरा एबा खावसे महरै स्कुलया बन्द जादों। सान्जा आरो खोला आफ्रिका हादतफोराव 5-18 बोसोरनि 40 जौखोन्दो गथ'फोर आरो लाइमोनफोरा स्कुलाव थांनो मोनाखै। सान्जा एसिया आरो प्रशान्त ओन्सोलनि 8 कौटि गथ'फोरा बे सुबिदाखौ मोनो हायाखै। इउनिसेफनि रिपर्टनि बादिब्ला, मार्च 2020 निफ्राय 2021 सिमाव मुलुगनि दर 14 हादतफोराव स्कुलया बन्द जादों। बेवहाय भारतआवबो दंफा देरो।

गोदान दिल्ली, 3 आगस्ट : संगालि जानथायनिफ्राय बेसेन गोसा आयदासिम बेरेखा दोलोआ मिरु सरकारखौ बेखननो नाजादों। राइज्यो सभानि हाबाफारिआ जागायजे नब्लानो 12 रिं गसिम हाबाफारिखौ दोन्थ'नाय जायो। बेनि उनाव 12.00 रिं गायव हाबाफारिआ जागायो। नाथाय दावराव-दावसिआ सोलिबाय थायो। बेनि उनाव 2.00 रिं गसिम नैथि खेब हाबाफारिखौ दोन्थ'नाडो।



खमलायनायाव सनम मालिकआ जेन्नायजों मोगा-मोगि जादों, भारतीय हौवा हकी हान्जाया सेमिफाइनलाव बेलजियामजों जेनबाय

दकिय, 3 आगस्ट: दकिय अलिम्पिकनि 12 थि सानाव भारतनि खमलायनाया सनम मालिकआ 62 कि:ग्रा: केटेगोरिनि गिबि राउन्डआवने जेन्नायजों मोगा-मोगि जानादों। बिथाइ मंगलियानि खमलायनाया बलरतुया खुरेलखुनि हेंथायै जेन्नादों। मंगलियानि खमलायनाया खुरेलखुआ फाइनलाव सौहैयोब्ला सनमआ रेपचेज राउन्डनि गेजेरजों ब्रन्ज मेडल देहानायनि सुबिदा मोनो हागो। 19 बोसोरनि सनमआ खमलायनायनि जागायजेन्नायाव सिगां फासैं आवगायदों मोनब्लाबो बलरतुया फिन गोहोआव फेफिन्नानै 2-2 पइन्टजों समान समान खालामनो हायो। बलरतुया 2 टेक्निकल पइन्ट मोनो हादों। जोबथा माखासे सेकेन्डआव खेबसेयावने गोबां पइन्ट मोनो हानायजों देहानो हायो। बेनि सिगां हौवाफोरनि हकीनि सेमिफाइनल मेच गेलेनायाव बेलजियामआ भारतयारि हान्जाजों 5-2 गलनि फारागथिजों फेजेन्दों। जोबथा कवार्टरआव बेलजियामआ गरथाम गल सोनो हानायजों भारतयारि हान्जानि हेंथायै सिगांनो हायो। भारतआ गिबि कवार्टरआव 2-1 गलनि फारागथियाव मेचखौ दैदेन्ने हादोंब्लाबो जोबथा 3 क्वार्टरआव उन जानानै फेयो। गिबि क्वार्टरआव भारतयारि हान्जाजों सोजानाय गलनि खिथेरआव फिन गोहोआव फेनायजों बेलजियामआ 19, 49, 53 आरों 60 मिनिटआव भारतनि हेंथायै गल सोनो हादों। भारतयारि



हान्जानिफ्राय गरनै गलखौ हरमनप्रीट सिं आरों मन्दिप सिंआ सोदों। फेगो 5 आगस्टआव

भारतयारि हान्जाया ब्रन्ज मेडलनि मेच गेलेगोन। अस्ट्रेलिया आरों जार्मनीनि गेजेराव जानो गोर्ना 2

थि सेमिफाइनलाव जेन्नाय हान्जाजों भारतयारि हान्जानि बादायनाया जागोन।

राउरके ला, 3 आगस्ट: सुन्दराइनि सासेल' आइजो हकी गेलेगिरि दिप ग्रेस एक्काया दकिय अलिम्पिक आव भारतयारि हान्जाखौ गोखोडै दैदेनायनि खाबु मोन्दों। जागायजेन्नाय मेचआव टीमनि मोजाडै गेलेनाई दिन्थिफुंनो हायैआव जिल्लानि हकी मोजां मोनगिरिफोरा गोसो बायनायाव दडमोन, नाथाय समबाखालि गोखोडै गेलेनाई दिन्थिफुंनयजों मुलुगनि गोहो गोर अस्ट्रेलियानि टीमखौ फेजेन्ने हानायव फिन बयनिबो मोजाडै गोजोनायनि साइखं नुजादों। राउरकेला स्पर्टस हस्टेल एन्ड साइ सुन्दराइजों सोमोन्दो थानाय आगु गेलेगिरि आरों हकी मोजां मोनग्राफोरनि गेजेराव रंजा-खुसि जानायखौ नुनो मोन्दों। सुन्दराइ जिल्लानि बालिशंकर ब्लकनि सिडाव थानाय गोरलैसोनाय



लुलकिडिह गामिनि गंसे गेजेर थाखोनि नख 'रआव जोनोम लानाय 27 बोसोरनि दिप ग्रेस एक्काया साथाम बिदा आरों

साथाम बिब'फोरनि गेजेराव बयनिखुडो उन्दैसिन। बिथाइ 12 बोसोरिसिमाव हकीनि लावथि हमाखैमोन। 2006 आब स्पर्टस

अथ 'रिटी अफ इन्डियानि सिडाव थानाय सुन्दराइ स्पर्टस हस्टेलआव बिथाइ हाबफेनानै हकीनि हुडा जागायो। 2007 निफ्राय 2010 सिम बिथाइ कच तेज कुमार खेस, पिके पन्डगि, लुसिया एक्कामोनजोंबो त्रैनि लायो। 2011 आब आन्डर -18 नि एसिया कापआव भारतनो ब्रन्ज मेडल देरहाहोनाय एक्काया बिनि उनिफ्रायनो फवसायालासे सिगां फासैं आवगायलाडो। 2013 नि आइजो वर्ल्ड काप, 2014 आरों 2018 नि एसियान गेम्स आरों 2016 रिय अलिम्पिकआवबो बिथाइ भारतनि जानानै गेलेना दिन्थिफुंनोमोन। बिथानाव खेब 200 निबो बांसिन हारिमायारि मेच गेलेनायनि रेंगथि दड। बेखौ मान दोन्नानै खोला रेलवे आ मुम्बाइआव बिनो साखि होयो।

चेतेस्वर पुजाराआ रहित शर्माजों लोगोसे इंलेण्डनि हेंथायै जानो गोनां मेचआव अपेनिं खालामगोन

गोदान दिल्ली, 3 आगस्ट: भारतयारि क्रिकेट हान्जाया इंलेण्डनि हेंथायै जानो गोनां खेब 5 मेच टेस्ट सिरिजनि थाखाय थियारिआव दं। 4 आगस्टनिफ्राय दरनै हादरनि गेजेराव टेस्ट सिरिजनि बादायनाया जागायगोन। बेनि सिगांनो समबाखालि भारतयारि हान्जानिफ्राय मोनसे गात्रि खौराडा सोराडाव फेदों। अपेनार मायां आग्रवालआ हुदानि समाव महम्मद स्वामीनि बलआव जोखोम जानायनि जाउनाव टीमआव गुबुन थांखि लानांगो जायो। हुदानि समाव हेलमेटआव बल नांजानाय अपेनार मायांआ गोब्राबै जोखोम जानायनि थाखाय बिथाइ गिबि टेस्ट मेचनिफ्राय जानगार जानांबाय। बिसिसिआइआ बेनि सोमोन्दै फोरमायदों। शुभमन गिल जोखोम जानानै फेनायनि उनाव बिथानो अपेनिंनि बिबान होनायनि आसा फालिनाय



जादोंमोन। गिबि टेस्ट मेचनि जागायनायनि सिगां लेडइ केप्टेन आर्जिन्क्य रहानेआ मिडियानि सिगाडाव अपेनिं खालामग्रा जराफोरनि सोमोन्दै फोरमायदों। बिथाइ बुंदों, पुजाराया नम्बर 3 थाखोनि गोखों बेटिं खालामग्रा। बादायलायनायाव सोर गिबियै ऑखारगोन बेनि फासैं जों दासिमबो थि खालामाखै, बेनि थाखाय टीमनि गोरबलायनाय महरै थि कालामनाय जागोन। पुजारायनि थाखाय थामथि जायगाया थि, बिथाइ बे फारियावने बेटिं खालामगोन। अपेनार महरै मेचआव सोर ऑखारगोन बेनि सायाव सावरायनाया सोलिगासिनो दड। केप्टेन आरों कचआ बेनि सायाव माखासे थांखि लागोन। भारत आरों इंलेण्डनि गेजेराव गिबि टेस्ट मेचआ फेगो 4-8 आगस्टनि गेजेराव नटिंघमाव जागोन।

आसाम मोब्लिब रानसारग्रा कम्पनी लिमिटेड

(ग्राहकफोरनि आबुं मोनसे मिरु कम्पनी)

श्रुलुमबाय

निसिम

जोंनि अनजाथाव ग्राहकफोर

डॉ हिमन्त बिश्व शर्मा
गिबि मन्थि, आसाम सरकार

नोंथांमोननि गेदेर मदत आरों हेफाजाब होनायनि थाखाय साबायख 'र होयोदि, आसाम मोब्लिब रानसारग्रा कम्पनी लिमिटेडआ 2021 नि जुलाइ दाननि समाव 735.16 कौटि रं (सरकारि रेहायखौ लाफानानै) खाजोनाखौ बोखांनो हादों, जाय ए पि डि सि एलनि जारिमिनयाव बयनिखुइ बांसिन खाजोना बुथुमनायनि रेकर्ड जानो हादों।

जोंनि खावलायनाय बायदियै नोंथांमोननि मोजां फिन्नाय होनाया गाहायाव होनाय राहाफोरखौ लानायनि थाखाय जोंखौ श्रुलुंगाखां होदों

- ➔ अफिस-काम-फिल्ड एसिस्टेन्ट, सहायक, द्राइभर बायदिनि मोन 1897 मासियाव थाबैनो साखि थिसन्थाय होनाय, जाय साखि थिसन्थायनि थाखाय लिंरथि आन्जादआ सिगाडाव जाखांखाबाय
- ➔ 1.95 लाख साहा बागान मावफारियाफोरनि आद्रा थानाय होनो गोनां बिलखौ रेहाय होनाय आरों बिसोरनो मोन 10 गोरलै राहा होनायनि गेजेरजों गावसिनि होनो गोनां आद्रा बिलखौ सुख 'नायनि थांखि। लोगोसेयैनो 11.21 लाख बि पि एल नख 'रनि ग्राहकफोर गावसिनि होनो गोनां बिलनिफ्राय आबुडै रेहाय मोनानै रंजानाय लानो हानाय।
- ➔ मिरु सरकार हरनाय 1718.18 कौटि रंखान्थि हेफाजाबजों 4,80,249 नख 'रफोरनो मोब्लिब फोनांजाब होनाय
- ➔ आसामआव 48,557 आंगनबादि मिरु आरों 13,321 गुदि फरायसालिफोराव थाबैनो मोब्लिब फोनांजाब जगायथि होनाय।

नोंथांमोननि मिजिंथिनो हाथावै नाथाय मोजां फिन्नाय होनाया ए पि डि सि एल गासै मावख 'गिरिफोर आरों मावफारियाफोरखौ आरोबाव बांसिनै खामानि मावनो थुलुंगा होदों आरों बेनि गेजेरजों साबसिन आरों थाद 'नाय गैयाजासे सिबिथाय होनो थुलुंगाखांहोदों।

अदेबानि जों ए पि डि सि एलनि जारिमिनयाव बांसिन खाजोना बुथुमनायनि रेकर्ड खालामदों, बेखौबो नुनो मोन्दोंदि, आसामनि गासै 60 जौखोन्दो मोब्लिब बाहायग्राफोरल' गावसिनि होनो गोनां बिलखौ थि समाव होबोदों। बेनिखायनो गाव-गावनि होनो गोनां बिलखौ थि समाव होनो आरों साबसिन सिबिथाय होनायाव जोंखौ हेफाजाब खालामनो थाखाय जों साफ्रोमबो मोब्लिब बाहायग्राफोरखौ खावलायो।